

四庫全書

集部

欽定四庫全書

集千家註杜工部詩集卷十六

孟冬

大歷元年冬夔州作鵲曰  
公時寓居夔州之西閣

殊俗還多事方冬變所為破甘霜落爪嘗稻雪翻匙平  
峽寒都薄烏蠻瘴遠隨終然減灘瀨暫喜息蛟螭

悶

瘴癘浮三蜀風雲暗百蠻卷簾唯白水隱几亦青山猿  
捷長難見鷗輕故不還

五字有味  
如失吾伴

無錢從滯客有鏡巧

催顏

趙曰顏在三蜀之下百蠻之北故云

雷

巫峽中宵動滄江十月雷龍蛇不成蟄天地劃爭迴

每有

氣鬼變化日前

却碾空山過深蟠絕壁來何須妬雲雨霹靂楚

王臺

朝二首

清旭楚宮南霜空萬嶺含野人時獨往雲木曉相參俊  
鵲無聲過飢鳥下食貪病身終不動搖落任江潭

趙曰郭璞

江賦視霧侵於清旭庾信枯樹賦昔年

移柳依依漢南今看搖落悵江潭

浦帆晨初發郊扉冷未開村踈黃葉墜

寒風踈草木雨踈字不如此有

畫色野靜白鷗來磯潤休全濕雲晴欲半迴巫山冬可怪

昨夜有奔雷

趙曰帆扶泛切夢符曰淮南子山雲蒸柱礎潤

### 南極

南極青山衆西江白谷分古城踈落木荒戍密寒雲歲

月蛇常見風飈虎忽聞近身皆鳥道殊俗自人羣睥睨

登哀柝蜚孤照夕曛亂離多醉尉愁殺李將軍

夢弼曰睥睨城

上女牆也趙曰左傳鄭伯之旌發孤洙曰蓬李廣屏居  
藍田南山中射獵嘗夜從一騎出從人田間飲還至亭  
霸陵尉醉呵止廣廣騎曰故李將軍尉曰  
今將軍尚不得夜行何故也宿廣亭下

晚

杖藜尋晚巷炙背近牆暄人見幽居僻吾知拙養尊朝

廷問府主

欲知朝廷則問府主是野人之意但語朴又可兩解

耕稼學山村歸翼

飛棲定寒燈亦閉門

西閣夜

恍惚寒山暮逶迤白霧昏山虛風落石樓靜月侵門擊

拆可憐子無衣何處村時危關百慮盜賊爾猶存

月圓

孤月當樓滿寒江動夜扉委波金不定照席綺愈依未

缺空山靜高懸列宿稀故園松桂發萬里共清輝

洙曰漢郊

祀歌月穆穆以金波  
江淹詩綺席生浮埃

中宵

西閣百尋餘中宵步綺疏飛星過水白落月動沙虛

語無

詭特寫景入微

擇木知幽鳥潛波想巨魚親朋滿天地兵甲少

來書

夢弼曰後漢梁冀窓牖皆有綺疏注樓為綺丈也

不寐

瞿唐夜水黑城內改更籌騎騎月沉霧輝輝星近樓氣

衰甘少寐心弱恨容愁

寫得婉至亦自知之耳弱本不多何所容之多也

多壘

滿山谷桃源無處求

洙曰禮記四郊多壘

鷗

江浦寒鷗戲無他亦自饒却思翻玉羽隨意點春苗雪

暗還須落風生一任飄幾羣滄海上清影日蕭蕭

子美賦物

別自為體異  
於唐人纖巧

### 猿

裊裊啼虛壁蕭蕭挂冷枝艱難人未免隱見爾如知可感

慣習元從衆

五字似率然亦有見後又云猿挂時相學乃工

全生或用奇前林

騰每及父子莫相離

夢弼曰見賢通切

### 黃魚

日見巴東峽黃魚出浪新脂膏兼飼犬長大不容身筒

筒相浴久風雷肯為神泥沙卷涎沫回首怪龍鱗

謂不客其



長大語恨風雷肯為神惜其不容以自脫然以此魚視泥沙涎沫之變又未必不怪其言也○三句迂闊有味蒼舒曰鹽鉄論江陵之人以魚飼犬洙曰筒筩捕魚器也

白小

白小羣分命天然二寸魚細微霑水族風俗當園蔬入

肆銀花亂傾箱雪片虛生成猶拾卵盡取義何如賓退錄云

靖州圖經載其俗居喪不食酒肉鹽酪而以魚為蔬今湖北多然謂之魚菜不特靖也老杜白小詩云白小羣分命天然二寸魚細微霑水族風俗當園蔬正指此蓋老杜嘗往來荆楚而此詩則嘉興魯氏定為夔門所作夔亦與湖北相鄰故也注杜詩者皆不及此洙曰易係辭物以羣分張子平西京賦搜胎拾卵蚺蜥盡取

鹿

永與清溪別蒙將玉饌俱

十字無限傾盡

無才逐仙隱不敢恨

庖厨

又是意

亂世輕全物

非熟語寇亂之景未易為此言也傷哉

微聲及禍

樞

又一意

衣冠兼盜賊饕餮用斯須

又一意

○衣冠兼盜賊語間饕餮為此

鸚鵡

鸚鵡含愁思聰明憶別離翠衿渾短盡紅脣謾多知未

有開籠日空殘宿舊枝世人憐復損何用羽毛奇

委折可誦

朱曰補銜鸚鵡賦紺

趾丹脣綠衣翠衿

雞

紀德名標五初鳴度必三

非工部無此語

殊方聽有異失次曉

無慙

五字備機態

問俗人情似充庖爾輩堪氣交亭育際平

峽漏司南

洙曰雞有五德見韓詩外傳趙曰劉綽啓一物之微遂留亭育

昔遊

鶴曰此詩叙與高李同遊時在間元二十五年

昔者與高李

公自注高適李白

晚登單父臺寒蕪際碣石萬里

風雲來桑柘葉如雨飛藿共徘徊清霜大澤凍禽獸有餘哀是時倉廩實洞達寰區開猛士思滅賊將帥望三

台君王無所惜駕馭英雄材幽燕盛用武供給亦勞哉  
吳門轉粟帛泛海陵蓬菜肉食三十萬獵射起黃埃隔  
河憶長眺青歲已摧頽不及少年日無復故人杯賦詩  
獨流涕亂世想賢才有能市駿骨莫恨少龍媒商山議  
得失蜀主脫嫌猜呂尚封國邑傳說已鹽梅景晏楚山  
深水鶴去低徊龐公任本性攜子臥蒼苔

鮑曰唐志單父屬宋州夢

弼曰碣石海傍山也夢符曰肉食字見左傳夢弼曰青歲猶言青春也宋曰市駿骨注見前龍媒良馬也商山議得失謂四皓出而安漢太子蜀主脫嫌猜謂先主之得孔明情好自審呂望封於齊魯卽傳說相殷高宗此

皆際時而有為者也龐德公攜  
妻子隱鹿門山公以自況耳

寄杜位

公自注頃者與位  
同在政嚴尚書幕

寒日經簷短窮猿失木悲峽中為客恨江上憶君時天  
地身何往風塵病敢辭封書兩行淚霑洒哀新詩

送鮮于萬州遷巴州

趙曰鮮于名晃仲通子也仲  
通與弟叔明俱嘗為京兆尹

京兆先時傑琳琅照一門朝廷偏注意接近與名藩祖  
帳維舟數寒江觸石喧看君妙為政他日有殊恩

洙曰漢疏

廣傳設祖道供  
張東都門外

西閣三度期大昌嚴明府同宿不到

問子能來宿今疑索故要匣琴虛夜夜手板自朝朝金

乳霜鐘徹

其人必能琴金乳霜鐘與其音也

花催蠟炬銷早鳧江檻底

雙影謾飄飄

趙曰今疑索故要謂不來宿者疑我以尋索故要我也夢符曰山海經豐山之鐘霜

降自鳴洙曰早鳧用王喬危躬事

西閣曝日

凜冽倦玄冬負暄嗜飛閣義和流德澤顙頊愧倚薄毛

髮具自和

具自猶本自

肌膚替沃若太陽信深仁衰氣歛有

託歌傾煩注眼容易收病脚流離木杪猿翩躑山顛鶴  
朋知苦聚散哀樂日已作即事會賦詩人生忽如昨古  
來遭喪亂賢聖盡蕭索胡為將暮年憂世心力弱

夢病  
曰顛

項北方之帝倚薄謂附著而陰氣  
逼人謝靈運詩拙疾相倚薄

小至

夢符曰或云陽為大陰為  
小冬至陰極故曰小至

天時人事日相催冬至陽生春又來刺繡五紋添弱線  
吹葭六琯動浮灰岸容待臘將舒柳山意衝寒欲放梅  
雲物不殊鄉國異教兒且覆掌中杯

夢弼曰唐雜錄官  
中以女工揆日之

長短冬至後日晷漸長比常日增一線之工朱曰續漢書以葭莩灰實律之端按歷者候之氣至則灰飛而管通左傳凡冬至啓閉必書雲物

### 縛雞行

小奴縛雞向市賣雞被縛急相喧爭家中厭雞食蟲蟻不知雞賣還遭烹蟲雞於人何厚薄吾叱奴人解其縛雞蟲得失無了時注目寒江依山閣

短篇偶然正合如此本無奇特評者

既過效者失之

玉腕騶

公自注江陵節度衛公馬也鶴曰衛伯玉時為荆南節度等使加檢校工部尚書



聞說荆南馬尚書玉腕騮頭驂飄赤汗跼踖顧長揪胡

虜三年入乾坤一戰收舉鞭如有問欲伴習池遊漢洙曰

祀歌天馬下露赤汗曹子建詩走馬長揪間習池注見前

見王監兵馬使說近山有白黑二鷹羅者久取竟

未能得王以為毛骨有異他鷹恐臘後春生竊飛

避暖勁翮思秋之甚眇不可見請余賦詩二首鶴曰

公嘗賦王兵馬使二角鷹見前

雲飛玉立盡清秋不惜奇毛恣遠遊在野只教心力破

予人何事網羅求一生自獵知無敵百中爭能恥下韝

往往語別有興味

鵬礙九天須却避兔經三窟莫深憂

趙曰鷹所以獵

此野鷹也故云自獵庚信詩野鷹能自獵洙曰史滑稽傳注韝臂捍也東觀記太守桓虞曰善吏如使良鷹下

韝命中戰國策馮煖曰狡兔有三窟僅得免於死耳

黑鷹不省人間有度海疑從北極來正翮搏風超紫塞

玄冬幾夜宿陽臺虞羅自各虛施巧春鴈同歸必見猜

萬里寒空祇一日金眸玉爪不凡材

趙曰崔豹古今注秦所築長城土色

皆紫漢塞亦然

奉送蜀州柏二別駕將中丞命赴江陵起居衛尚

書太夫人因示從弟行軍司馬位

鶴曰中丞柏貞節也時為夔州

都督別駕中丞之弟也衛尚

書伯玉祖母封鄧國太夫人

中丞問俗畫熊頻愛弟傳書綵鷁新遷轉五州防禦使  
起居八座太夫人楚宮臘送荆門水白帝雲偷碧海春

與報惠連詩不惜知吾斑鬢總如銀

洙曰漢制刺史車畫熊於軾綵鷁謂

船首畫鷁以壓水神夢弼曰唐書方鎮表夔州兼峽忠  
歸萬五州防禦使隸荆南節度洙曰唐以六尚書左右  
僕射合為八座宋書謝惠連能為文族兄靈運嘉賞之云每有篇章對惠連輒得佳句

閣夜

歲暮陰陽催短景天涯霜雪霽寒宵五更鼓角聲悲壯

三峽星河影動搖

此兩句對看自是無窮俯仰之悲兩句共見奇麗若上句何足表異評

詩未易以此

野哭千家聞戰伐夷歌幾處起漁樵臥龍躍馬

終黃土人事音書漫寂寥

蔡條西清詩話云作詩用事要如釋語水中著鹽飲水乃

知鹽味此說詩家秘藏也如子美五更鼓角聲悲壯三峽星河影動搖人徒見陵轍造化之工不知乃用故事  
禍衛漁陽操其聲悲壯漢武故事星辰搖動東方朔謂民勞之應則善用事者如繁風捕影豈有迹耶洙曰臥龍謂孔明也郭外有孔明廟躍馬謂公孫述也城上有白帝祠左太冲蜀都賦公孫躍馬而稱帝

灤西寒望

洙曰灤乃黨切水名薨有澗水橫通山谷間市人謂之灤居人分其左右謂之

灤東灤西也鄭曰

灤奴浪切今作灤

水色含羣動朝光切太虛

渺莽形容氣格甚富

年侵頻悵望興遠

一蕭疎猿挂時相學鷗行炯自如

儉勝

瞿唐春欲至定

卜灤西居

洙曰陸機詩前路既已多後塗隨年侵

奉送十七舅下邵桂

絕域三冬暮浮生一病身感深辭舅氏別後見何人縹

緗蒼梧帝推遷孟母鄰昏昏阻雲水側望苦傷神

趙曰蒼梧

以述舅氏所往之方  
孟母謂舅氏之母也

### 送王十六判官

客下荆南盡君今復入舟買薪猶白帝鳴櫓少沙頭衡

霍生春早瀟湘共海浮荒林庾信宅為仗主人留

孫曰  
夔州

俗買薪沽水夢弼曰少猶少頃也少一作已洙曰江陵  
吳船至泊於郭外沙頭希曰衡山一名霍山故云衡霍  
庾信宅  
在江陵

### 不離西閣二首

江柳非時發江花冷色頻地偏應有瘴臘近已含春失

學從愚子無家住老身不知西閣意肯別定留人

趙注  
是洙

曰住一作仕趙曰肯別定留人言西

閣之意肯令我別乎莫定要留人也

西閣從人別人今亦故亭江雲飄素練石壁斷空青滄

海先迎日銀河倒列星平生耽勝事吁駭始初經

田曰  
空青

字詩人無敢使惟太

白云山色倒空青

### 謁真諦寺禪師

蘭若山高處煙霞嶂幾重凍泉依細石晴雪落長松

若無

晴字何以成詩

問法看詩妄

亦有見地

觀身向酒慵未能割妻子卜

宅近前峰

洙曰梵言阿蘭若唐言無諍也故僧寺謂之蘭若

赤甲

大歷二年夔州作鶴曰是年春公遷居赤甲趙曰赤甲山名其山高天不生草木土皆赤

色故謂之赤甲又甲本岬字

赤甲白鹽瞿唐峽口二山

卜居赤甲遷居新兩見巫山楚水春炙背可以獻天子

美芹由來知野人

一事兩句不相屬

荊州鄭薛寄書近蜀客

岑非我鄰笑接郎中評事飲病從深酌道吾真

洙曰嵇康絕交

書野人有快炙背而美芹子者欲獻之至尊雖有區區之意亦已踈矣夢弼曰鄭審薛璩却昂來參皆公之故舊也鶴曰評事必崔

評事第郎中欠考



入宅三首

奔峭皆赤甲，斷崖當白鹽。客居媿遷次，春酒漸多添。花

亞欲移竹

下句韻勝

鳥窺新卷簾。衰年不敢恨勝槩，欲相兼

亂後居難定。春歸客未還。水生魚復浦，雲暖麝香山。半

頂梳頭白，過眉拄杖斑。相看多使者，一一問函關。

夢弼曰按

地志：夔之魚復，滌瀨，風濤電射其地，巨魚卻而不得上，故名魚復。浦，定功曰：夔州，國經麝香山，在州之東南。山有麝香，故以名之。洙曰：一一問，函關時吐蕃亂，關中之信不通。

宋玉歸州宅，雲通白帝城。吾人淹老病，旅食豈才名。峽

口風常急江流氣不平只應與兒子飄轉任浮生

江雨有懷鄭典設

春雨閭閻塞峽中早晚來自楚王宮  
亂波分披已打岼弱雲狼藉不禁風  
寵光蕙葉與多碧點注桃花舒小紅  
谷口子真正憶汝岼高壤滑限西東

雨不絕

鳴雨既過漸細微映空搖颺如絲飛  
階前短草泥不亂院裏長條風乍稀  
舞石旋應將乳子行雲莫自濕仙衣

石燕神女用得奇  
怪將字從俗更好  
眼邊江舸何忽促  
未得安流逆浪歸  
珠曰湘川詩零陵有石燕遇風雨則飛如生燕  
止則為石高唐賦旦為朝雲暮為行雨注見前

崔評事弟許相迎不到應慮老夫見泥雨怯出必  
愆佳期走筆戲簡

江閣邀賓許馬迎  
午時起坐自天明  
浮雲不負青春色  
細雨何孤白帝城  
身過花間露濕好  
醉於馬上往來輕  
上句更似  
有風韻  
虛疑皓首衝泥怯  
實少銀鞍傍險行

晝夢

二月曉睡昏然不獨夜短晝分眠桃花氣暖眼自醉  
春渚日落夢相牽故鄉門巷荆棘底中原君臣豺虎遘  
安得務農息戰鬪普天無吏橫索錢

熟食日示宗文宗武

消渴遊江漢羈棲尚甲兵幾年逢熟食萬里逼清明

不待

他語

而悲松柏邛山路

未必子美先墓在邛吾意亦邛山耳

風花白帝城汝曹

催我老回首淚縱橫

邛本一作邛鄭曰案字記邛州因邛來山得名在蜀中邛渠恭切田

曰十道志邛山在洛陽縣北邛莫南切蔓繄曰楊佺期洛城記邛山古今東洛九原之地也

又示兩兒

令節成吾老他時見汝心

他時見汝思親之心謂身後寒食語甚苦切前一首已悲

此篇更不忍讀

浮生看物變為恨與年深長葛書難得江州涕

不禁團圓思弟妹行坐白頭吟

趙曰長葛江州必公之弟妹所在也鄭曰長葛

縣隸許州

晴二首

久雨巫山暗新晴錦繡文  
碧知湖外草紅見海東雲  
竟日鶯相和摩霄鶴數羣  
野花乾更落風處急紛紛

啼鳥爭引子鳴鶴不歸林下食遭泥去遭泥去拙高飛恨久

陰雨聲衝塞盡日氣射江深壯迴首周南客驅馳魏闕

心洙曰周南謂平陽也太史公留滯周南天子之門而觀謂之象魏夢弼曰莊子中山公子牟謂膽子曰身

在江海之上心居乎魏闕之下

### 雨

始賀天休雨還嗟地出雷驟看浮峽過密作渡江來牛

馬行無色蛟龍鬪不開干戈盛陰氣未必自陽臺未必自陽

臺此語猶含天寶之悲洙曰莊子秋

水時至而溪渚之間不辨牛馬

卜居

鶴曰公是年三月  
赤甲遷居瀼西

歸美遼東鶴吟同楚執珪未成遊碧海著處覓丹梯雲

嶂寬江北春耕破瀼西桃紅客若至定似昔人迷

洙曰遼東

鶴注見前趙曰史記莊烏故越之細鄙人也為楚執珪  
病而尚猶越聲本與吟字而王粲登樓賦云莊舄顯而  
越吟十洲記東有碧海趙曰楚江之北  
其山稍遠故曰寬也洙曰昔一作晉

暮春題瀼西新賃草屋五首

久嗟三峽客再與暮春期百古欲無語繁花能幾時谷

虛雲氣薄波亂日華遲戰伐何由定哀傷不在茲

趙曰反古

無聲在芒種后十日今謂之欲無語則暮春時也

北郊千樹橘不見比封君養拙干戈際全生麋鹿羣畏

人江北草

畏人草不類

旅食瀼西雲萬里巴渝曲三年實飽

聞

郊本一作邦洙曰漢貨殖傳蜀漢江陵千樹橘此其人皆與千戶侯等又禮樂志巴渝鼓食三十六人注

高祖初為漢王得巴渝人並趨捷善關與之定三秦滅楚國存其武樂巴渝之樂由此始也

綵雲陰復白錦樹曉來青身世雙蓬鬢乾坤一草亭哀

歌時自短

眼前語道得苦

醉舞為誰醒細雨荷鋤立自江猿吟

翠屏



壯年學書劍他日委泥沙事主非無祿浮生即有涯高

齋依藥餌絕域改春華

此語甚痛

喪亂丹心破王臣未一家

洙曰項籍少年學

書不成去學劍

欲陳濟世策已老尚書郎不息豺虎關空慙駕鷖行時

危人事急風逆羽毛傷落日悲江漢中宵淚滿牀

趙曰尚書

郎公自謂也

承聞河北諸道節度入朝歡喜口號絕句十二首

祿山作逆降天誅更有思明亦已無

第二句

洵洵人寰猶

不定時時戰鬪欲何須

社稷蒼生計必安蠻夷諸部錯相干周宣漢武今王是

孝子忠臣後代看

感諷  
忠婉

喧喧道路多歌謠河北將軍盡入朝始是乾坤王室正  
却教江漢客魂銷

不道諸公無表來茫然庶事遣人猜擁兵相學干戈銳

使者徒勞萬里迴

公自注吐蕃之亂諸道節度無一人救  
援者朝廷遣使教諭竟不至

鳴玉鏘金盡正臣修文偃武不無人興王會盡妖氛氣

聖壽宜過一萬春

荅舒曰萬春字所出如世說載晉武帝問孫皓聞南人好作爾汝歌皓因

舉觴勸帝云上汝一

杯酒令汝壽萬春

英雄見事若通神聖哲為心小一身燕趙休矜出佳麗

宮闈不擬選才人

洙曰古詩燕趙多佳人美者顏如玉唐制內官才人五人正五品

抱病江天白首郎空山樓閣暮春光衣冠是日朝天子

草奏何人入帝鄉

趙曰白首郎公自謂也用馮唐意

瀟漫山東一百州削成如按抱青邱包茅重入歸關內

王祭還供盡海頭

鄭曰瀟市連切漫莫半切趙曰唐志山東即河北道洙曰削成如按言已

平也鄭曰青邱在青州屬河南道洙曰左傳齊  
伐楚曰爾貢包茅不入王祭不供何以縮酒

東逾遼水北溱沔星象風雲喜色和紫氣關臨天地濶

黃金臺貯俊賢多

紫氣關本生強老氣橫出亦是兩絕句宜爾趙曰紫氣關言函谷關也周

時尹喜為關吏望見紫氣云當有聖人入關洙曰燕昭王置千金於臺上以延天下之士謂之黃金臺

漁陽突騎邯鄲兒酒酣並轡金鞭垂意氣即歸雙闕舞

雄豪復遣五陵知

謂此等恃功而騎其歸闕下舞當如何平日五陵豪俊復當避之耳其憂

憂戚恨皆見於言外即字復字皆得意處形容洋溢而復整洙曰漁陽突騎邯鄲游俠其豪俊勇決古有名

稱五陵漢之五陵亦秦佚所聚之地

李相將軍擁薊門白頭惟有赤心存竟能盡說諸侯入

知有從來天子尊

夢弼曰李相謂李光弼將軍謂河北諸道節度也鶴曰李相將軍意是指

李懷仙時為幽州節度

使第未詳何以謂將軍

十二年來多戰場天威已息陣堂堂神靈漢代中興主

功業汾陽異姓王

洙曰郭子儀封汾陽郡王鶴曰此詩十二首送安史及吐蕃之亂而歸於

李懷仙之能說諸節度以入朝郭子儀之能建功業以致中興也

得舍弟觀書自中都已達江陵今茲暮春月末合

行李到夔州悲喜相兼團圓可待賦詩即事情見

手辭

爾到江陵府何時到峽州  
亂離生有別聚集病應瘳  
道著颯颯開啼眼朝朝上水樓  
老身須付託白骨更何憂

喜觀即到復題短篇二首

巫峽千山暗終南萬里春  
病中吾見弟書到汝為人  
情事

驚痛語得傾至竟答兒童問  
來經戰伐新泊船悲喜後  
款款話

歸秦

洙曰終南山在長安

待爾嗔烏鵲拋書示鵲  
鵲枝間喜不去原上急  
曾經江

閣嫌津柳風帆數驛亭應論十年事愁絕始星星

洙曰  
西京

雜記乾鵲噪而行人至  
詩鵲鵲在原兄弟急難

寄薛三郎中璩

人生無賢愚飄飄若埃塵自非得神僊誰免危其身與  
子俱白頭役役常苦辛雖為尚書郎不及村野人憶昔  
村野人其樂難具陳藹藹桑麻交公侯為等倫天未厭  
戎馬我輩本常貧子尚客荊州我亦滯江濱峽中一臥  
病瘡癘終冬春春復加肺氣此病蓋有因早歲與蘇鄭

痛飲情相親二公化為土嗜酒不失真予今委修短豈  
得恨命屯聞子心甚壯所過信席珍上馬不用扶每扶  
必怒嗔賦詩賓客間揮灑動八垠乃知蓋代手才力老  
益神青草洞庭湖東浮滄海滙君山可避暑況足采白  
蘋子豈無扁舟往復江漢津我未下瞿唐空念禹功勤  
聽說松門峽吐藥攬衣巾高秋却束帶鼓枻視清旻鳳  
池日澄碧濟濟多士新余病不能起健者勿逡巡上有  
明哲君下有行化臣

洙曰蘇鄭蘇源明鄭虔也禮記儒  
有席上之珍青草洞庭二湖名君



山在洞庭湖心夢弼曰郭璞江賦巴東之峽夏后疏鑿  
今公留滯峽中恨禹功雖勤尚不能鑿三峽使江流平  
易也趙曰公纔聞松門峽方喫藥遽吐之欲攬衣巾而  
去夢弼曰風池謂朝廷也趙曰使者指薛稷也漢書袁  
紹曰天下使  
者宜惟董公

即事

暮春三月巫峽長晶晶行雲浮日光雷聲忽送千峰雨  
花氣渾如百和香黃鶯過水翻迴去燕子銜泥濕不妨  
飛閣卷簾圖畫裏虛無只少對瀟湘  
虛無二字下得好  
兩句遂精洙曰盛  
弘之荊州記巴東三峽巫峽長鄭曰晶晶了切明也趙  
曰陶淵詩晶晶川上平洙曰古詩博山爐中百和香鬱

金蘇合與都梁希曰漢武帝時月支國嘗進百和香

懷瀾上遊

鶴曰瀾水在長安

悵望東陵道平生瀾上遊春濃停野騎夜宿敞雲樓離

別人誰在經過老自休

苦語如訣

眼前今古意江漢一歸舟

夢弼曰東陵道指長安東門外也

月

萬里瞿唐峽春來六上弦時時開暗室故故滿青天爽

合風襟靜空當淚臉懸南飛有烏鵲夜久落江邊

洙曰一

作月曹孟德詩月

明星稀烏鵲南飛

晚登灤上堂

故躋灤岬高頗免崖石擁

十字起  
得又別

開襟野堂豁繫馬林

花動雉堞粉如雲山田麥無隴春氣晚更生江流靜猶

湧四序嬰我懷羣盜久相踵黎民困逆節天子渴垂拱

所思注東北深峽轉修聳衰老自成病郎官未為冗淒

其望呂葛不復夢周孔濟世數嚮時斯人各枯冢楚星

南天黑蜀月西霧重安得墮烏翎迫此懼將恐

夢符曰公  
羊傳五板

而堵五堵而雉百雉而城鄭曰堞徒協切  
城上垣也朱曰呂葛謂呂望諸葛孔明也

### 李朝八分小篆歌

夢弼曰書苑李潮善小篆師李斯

石錄云唐慧義寺彌勒像碑李潮八分書潮書初  
不見重於當時獨子昉詩盛稱之以比蔡有邕韓  
擇木金石刻在者絕少惟此碑與彭元曜墓誌爾  
余皆得之其筆法亦不絕工非韓蔡比也邵氏間  
見錄韓退之石鼓詩  
體子美八分歌也

蒼頡鳥跡既茫昧字體變化如浮雲陳倉石鼓又已訛  
大小二篆生八分秦有李斯漢蔡邕中間作者寂不聞  
嶧山之碑野火焚棗木傳刻肥失真苦縣光和尚骨立

書貴瘦硬方通神

子美詩貴瘦硬謂八分篆耳坡詩殆誤評也

惜哉李蔡不

復得吾甥李潮下筆親尚書韓擇木騎曹蔡有隣開元

以來數八分潮也奄有二子成三人況潮小篆逼秦相

快劍長戟森相向八分一字直百金蛟龍盤拏肉屈強

吳郡張顛誇草書草書非古空雄壯豈知吾甥不流宕

丞相中郎丈人行巴東逢李潮逾月求我歌我今衰老

才力薄潮乎潮乎奈汝何

古人出語便是肝肺更自流動可觀此詩叙古外殊不為

發越政終篇自嘆浩然然愈好邵氏見才力薄三字謂退之體此作石鼓兒童之見彼起語變化蓋自負也

朱曰蒼頡黃帝臣也觀鳥跡而為文字鵠曰鳳翔府陳倉縣南有石鼓其石形如鼓其數有十紀周宣王獵之事其文即史籀之迹朱曰周太史籀始創大篆秦李斯繼作小篆趙曰蔡文姬別傳臣父邕言八分書劉李斯小篆去二分取八分故曰八分書朱曰史記始皇東行郡國上鄒嶧山刻石頌功德其文李斯小篆修可曰續漢書桓帝詔苦縣立老子祠兼刻石即蔡邕八分也師曰按桓帝延熹年間詔立老子祠光和乃靈帝年號相去延熹十餘年豈非祠立於延熹而碑刻於光和乎朱曰韓擇木蔡有隣皆唐時人工八分張旭飲醉輒草書人呼為張顛丞相即李斯中郎即蔡邕歐公集古錄云秦二世詔李斯篆今俗謂之嶧山碑史記不載其字其本出於徐鉉又有別本出於夏竦家自唐封演己言嶧山碑非真而杜子美直謂秦木傳刻爾趙明誠金石錄云秦嶧山刻石唐封演聞見記云後魏大武帝登山使人排側之然歷代摸之以為楷則邑人疲於供命聚薪

其下因野火焚之由是殘缺不堪模榻然猶求者不已  
有縣宰取舊文勒於石碑之上置之縣廨今人間有碑  
山碑者是皆新刻之本而杜子美直以謂棗木傳刻者  
豈又有別本歟又云麻溫故學士於登州海上得片木  
有此文豈子美所謂棗  
木傳刻肥失真者耶

醉為馬墜諸公攜酒相看

甫也諸侯老賓客罷酒酣歌拓金戟騎馬忽憶少年時  
散蹄迸落瞿唐石白帝城門水雲外低身直下八千尺  
粉堞電轉紫遊韁東得平岡出天壁江村野堂爭入眼  
垂鞭躡鞚凌紫陌向來皓首驚萬人自倚紅顏能騎射

安知決臆追風足赤汗驂驪猶噴玉不虞一蹶終損傷  
人生快意多所辱職當憂戚伏衾枕况乃遲暮加煩促  
朋知來問腆我顏杖藜強起依僮僕語盡還成開口笑  
提攜別掃清溪曲酒肉如山又一時初筵哀絲動豪竹  
共指西日不相貸喧呼且覆杯中淥何必走馬來為問君  
不見嵇康養生被殺戮

起結皆不羈○夢弼曰庾信詩  
醉來拓金戟古詩白馬遊紫韉

洙曰決臆縱意也趙曰追風馬名漢天馬歌雷赤汗在  
液詩駉驪始散東城曲穆天子傳黃之澤其馬噴玉琪  
曰豪竹大管也洙曰晉嵇

康著養生論後以事坐殊



補遺

縛雞行

雞蟲得失無了時注目寒江依山閣先生評云效者失之蓋謂山谷賦水仙坐對真成披花惱

出門一笑大

江橫之句也

李朝八分小篆歌

潘子真詩話云北岳碑後漢光和二年立苦縣老子廟亦漢碑俱蔡邕書

其字刻極勁

杜詩所謂苦縣光和尚骨立

書貴瘦硬方

通神苦縣光和謂二碑也

集千家註杜工部詩集卷十六

欽定四庫全書

集部

集千家註杜工部詩集卷十七

詳校官監察御史

臣孫家賢

檢討

臣何思鈞覆勘

總校官降調編修

臣倉

聖

脉

校對官學正

臣周

鎔

謄錄監生

臣呂

仲

玉

欽定四庫全書

集千家註杜工部詩集卷十七

豎子至

大歷二年夏夔州作鶴曰  
公時寓居夔州之東西

檣檠且綴碧梅杏半傳黃小子幽園至輕籠熟捺香山

風猶滿把野露及新嘗歌枕江湖客提攜日月長

洙曰  
且一

作纔歌枕

一作欲寄

槐葉冷淘

青青高槐葉朱掇付中厨新麪來近市汁滓宛相俱入

鼎資過熟加餐愁欲無碧鮮俱照飭香飯兼苞蘆經齒  
冷於雪勸人投比珠願隨金騾裹走置錦屠蘇路遠思  
恐泥興深終不渝獻芹則小小薦藻明區區萬里露寒

殿開冰清玉壺君王納晚涼此味亦時須

夢弼曰苞蘆謂蘆笋也沫

曰金騾裹馬也修可曰屠蘇字或作屠麻玉篇云屠麻  
庵也通俗文屋平曰屠麻廣韻云屠麻草庵又屠麻酒  
蓋昔人居屠麻釀酒因名今詳是詩走置錦屠蘇正謂  
屋也古樂府神腰銅匕首障日錦屠蘇沫曰語致遠恐  
泥獻芹見嵇康絕交書薦藻出左傳

園

仲夏流多水清晨向小園碧溪搖艇閑朱果爛枝繁始

爲江山靜終防市井喧蛙蔬繞茅屋自足媚盤飧

趙曰  
盤飧

字出  
左傳

歸

束帶還騎馬東西却渡船林中纔有地峽外絕無天虛

白高人靜喧卑俗累牽他鄉閱遲暮不敢廢詩篇

涿曰  
夔州

居山水間在峽中號爲稍平莊子虛室生

白趙曰鮑明遠舞鶴賦歸人寰之喧卑

上後園山腳

朱夏熱所嬰清旦步北林小園背高岡挽葛上崎崟曠  
望延駐目飄飄散踈襟潛鱗恨水壯去翼依雲深勿謂  
地無疆劣於山有陰石楨遍天下水陸兼浮沉自我登  
隴首十年經碧岑劒門來巫峽薄倚浩至今故園暗戎  
馬骨肉失追尋時危無消息老去多歸心志士惜白日

久客藉黃金敢為蘇門嘯庶作梁父吟

天覺曰崎嶇山貌洙曰山北曰

陰田曰唐嗣樞音原木名或云善本止是石原字洙曰石楨其子如芎藭其皮可以禦饑時天下荒亂小民轉溝壑水陸並載石楨以充糧也趙曰古詩志士惜日短洙曰晉阮籍嘗於蘇門山遇孫登與商略於古及棲神

導氣之術登皆不應籍因長嘯  
而退蜀志諸葛亮好為梁父吟

### 諸葛廟

久遊巴子國屢入武侯祠竹日斜虛寢溪風滿薄帷君  
臣當共濟聖賢亦同時羽戴歸先主并吞更出師蟲蛇

穿畫壁巫覡醉蛛絲

描寫不盡雖無  
上句荒落可見

歎憶吟梁父躬耕

起未遲

夢弼曰國語在男曰覡在女曰巫覡  
研歷切趙曰張衡東京賦巫覡操茹

### 舍弟觀歸藍田迎新婦送示二首

汝去迎妻子高秋念却迴卽今螢已亂好與鴈同來東

望西江永南遊北戶開卜居期靜處會有故人杯

趙曰詩江

之永矣吳都賦

開北戶以向日

楚塞難為路藍田莫滯留衣裳判白露鞍馬信清秋

春風

自信牙檣動凡再用所自得者

滿峽重江水開帆八月舟此詩同一醉

應在仲宣樓

趙曰後漢末王粲字仲宣依劉表於荊州因登樓而作賦其後指荊州樓為仲宣樓

行官張望補稻畦水歸

東屯大江北百頃平若樓六月青稻多千畦碧泉亂插秧適云已引溜加溉灌更僕往方塘決渠當斷岸公私



各地著浸潤無天旱主守問家臣分明見溪畔芊芊炯  
翠羽劍劍生銀漢鷗鳥鏡裏來關山雪邊看秋菰成黑  
朱精鑿傳白粲玉粒足晨炊紅鮮任霞散終然添旅食

作苦期壯觀遺穗及衆多我倉戒滋蔓

壯觀滋蔓○朱曰更僕以番次

更僕使之七禮記乃留更僕劉公幹詩方塘含白水漢食貨志理民之道地著為本注謂安土也著涉略切蔓彌曰大夫之臣曰家臣家臣主守田野此即是指行官而言也趙曰鏡裏雪邊皆言畦水之明潔也蔓彌曰西京襍記秋有米長安人謂之彫胡趙曰精鑿出左傳菜食不鑿鑿音作謂治米使白晁曰傳合也謂以菰米合白粲炊米曰楊惲傳田家作苦

返照

楚王宮北正黃昏白帝城西過雨痕返照入江翻石壁

歸雲擁樹失山村

字字著意

衰年病肺惟高枕絕塞愁時早

閉門不可以留豺虎亂南方實有未招魂

語不輕易感恨更多

灩澦

灩澦既沒孤根深西來水多愁太陰江天漠漠鳥雙去

風雨時時龍一吟舟人漁子歌回首估客胡商淚滿襟

寄語舟航惡年少休翻鹽井橫黃金

夢弼曰囊宇記灩澦堆冬來出二十

餘大夏水漲半沒鄭曰橫戶  
孟切不以理也洙曰一作鄰

季夏送鄉弟韶陪黃門從叔朝謁

鶴曰時杜鴻漸以黃門侍郎同

平章事鎮蜀既平  
崔旰之難遂還朝

令弟尚爲蒼水使

公自注韶北兼開江使  
通成都外江下峽舟船

名家莫出杜

陵人比來相國兼安蜀

太直致

歸赴朝廷已入秦捨舟策

馬論兵地拖玉腰金報主身莫度清秋吟蟋蟀

此吟蟋蟀亦過

然出於子美未必不爲名言

早聞黃閣畫麒麟

趙曰吳越春秋禹傷父功不成乃巡衡山

血馬以祭仰天而嘯忽夢赤繡衣男子自稱主夷蒼水使者謂禹曰欲得我山神書者齋馬禹乃退齋三日遂

獲金簡玉字之書言治水之要洙曰長安有南北杜巖為名家趙曰漢武帝圖畫功臣於麒麟閣

夔州歌十絕句

中巴之東巴東山江水開闢流其間白帝高為三峽鎮

夔州險過百牢關

趙曰水經劉璋分三巴有中巴有巴西有巴東宋曰十道志梁州有百牢

關

白帝夔州各異城蜀江楚峽混殊名英雄割據非天意

霸王并吞在物情

夢弼曰王去聲

羣雄競起向前朝王者無外見今朝比訝漁陽結怨恨

元聽舜日舊簫韶

趙曰明皇寵幸祿山卒以怨恨起兵於漁陽此句含蓄美中有刺簫韶謂

霓裳

曲也

赤甲白鹽俱刺天  
閭閻繚繞接山巔  
楓林橘樹丹青合  
複道重樓錦繡懸

瀼東瀼西一萬家  
江北江南春冬花  
背飛鶴子遺瓊葉  
相趲鳬雛入蔣牙

趙曰王桀白鶴賦食靈岳之瓊葉夢弼曰唐韻蔣菰草也

東屯稻畦一百頃  
北有澗水通青苗  
晴浴狎鷗分處處

雨隨神女下朝朝

修可曰夔有平苗號青苗陂

蜀麻吳鹽自古通萬斛之舟行若風長年三老長歌裏

白晝攤錢高浪中

洙曰峽人謂操舟人為長年三老長上聲田曰後漢梁冀傳少好意錢之

戲注引何承天纂文曰詭億一曰射意一曰射數即攤錢也

憶昔咸陽都市合山水之圖張賣時巫峽曾經寶屏見  
楚宮猶對碧峰疑

閨風玄圃與蓬壺中有高堂天下無借問夔州壓何處  
峽門江腹擁城隅

武侯祠堂不可忘中有松柏參天長干戈滿地客愁破

雲日如火炎天涼

惟此最得歌  
體踈暢磊落

上卿翁請修武侯遺廟像缺落時崔卿權夔州

因具

權州即託以此  
古人惟恐失之

大賢為政即多聞  
刺史真符不必分  
尚有西郊諸葛廟  
卧龍無首對江濱

又上後園山脚

昔我遊山東憶戲東岳陽  
窮秋立日觀矯首望八荒  
朱崖著毫髮碧海吹衣裳  
蓐收困用事玄冥蔚強梁  
逝水

自朝宗鎮石各其方平原獨憔悴農力廢耕桑非關風  
露凋曾是戍役傷於時國用富足以守邊疆朝廷任猛  
將遠奪戎虜場到今事反覆故老淚萬行龜蒙不可見  
况乃懷故鄉肺萎屬火戰骨出熱中腸憂來杖匣劍更  
上林北岡瘴毒猿鳥落峽乾南日黃秋風亦已起江漢  
始如湯登高欲有往蕩析川無梁哀彼遠征人去家死  
路傍不及父祖塋累累塚相當

謂死戰地也。○本上後  
園山脚耳却從昔登來

岳俯望中州轉及時事情緒間遠故收拾悲慟。○鶴曰  
東岳在兗州即齊地洙曰朱崖海南州也碧海在東蓐



牧秋神玄冥冬神也鶴曰平原指德州屬河北道開元  
末張守珪使祿山討奚契丹故戍役為民害公言至趙  
時事也龜蒙二山名龜  
山在兗州蒙山在青州

### 夜雨

小雨夜復密迴風吹早秋野涼侵閉戶江滿帶維舟

清鍊

通籍恨多病為郎忝薄遊天寒出巫峽醉別仲宣樓

涼日

仲宣樓指荆

州注見前

### 更題

只應踏初雪騎馬發荊州直怕巫山雨真傷白帝秋羣

公蒼玉佩天子翠雲裘同舍晨趨侍胡為此淹留

洙曰  
晉公

卿禮秩特進尚書令侍佩水蒼

玉趙曰宋玉賦上翠雲之裘

### 峽隘

聞說江陵府雲沙靜眇然白魚如切玉朱橘不論錢水  
有遠湖樹人今何處船青山各在眼却望峽中天

秋行官張望督促東渚耗稻向畢清晨遣女奴阿

稽暨子阿段往問

鶴曰官猶言門官漢高帝紀有  
功勞行田宅師古曰行音行酒

之行猶付與也今使之領田故曰行官東渚  
即東也耗稻謂蒲稗之能為禾害者當去之

韓文谷孟簡書云行官自吉川還唐  
人自有此引門官與行田皆不切

東渚雨今足竹聞粳稻香上天無偏頗蒲稗各自長人  
情見非類田家戒其荒功夫競捐捐除草置岍傍穀者  
命之本客居安可忘青春具所務勤懇免亂常吳牛力  
容易並驅動莫當豐苗亦已概雲水照方塘有生固蔓  
延靜一資隄防督領不無人提攜頗在綱荆揚風土暖  
肅肅候微霜尚恐主守疎用心未甚臧清朝遣婢僕寄  
語踰崇岡西成聚必散不獨陵我倉豈要仁里譽感此

亂世忙

不知所收幾何尚願叢之鄰里其盛心如此注者乃不盡知

北風吹蒹葭蟋

蟀近中堂荏苒百工休鬱紆遲暮傷

洙曰莊子捐捐然用力甚多而見功

寡捐苦骨切鄭曰幾几利切稠也趙曰主守謂行官張望洙曰潘安仁籍田賦我倉如陵我庾如坻記月令霜

降百工休

阻雨不得歸灤西甘林

三伏適已過驕陽化為霖欲歸灤西宅阻此江浦深壤

舟百板坼峻岸復萬尋篙工初一棄恐泥勞寸心

恐泥委用

佇立東城隅悵望高飛禽草堂亂玄圃不隔崑崙岑昏

渾衣裳外

昏渾語生

曠絕同曾陰園甘長成時三寸如黃金

諸侯舊上計厥貢傾千林邦人不足重所迫豪吏侵客

居暫封殖日夜偶瑤琴

本不相著造得故實

虛徐五株態側塞煩

胷襟焉得輟兩足杖藜出嶮巖條流數翠實偃息歸碧

潯拂拭烏皮几喜聞樵牧音令兒快搔背脫我頭上簪

洙曰漢武紀計偕注計者上計簿也鶴曰唐志夔州貢

柑橘夢弼曰日夜偶瑤琴謂聽其風韻若鼓瑤琴馬趙

曰謝朓有詠

烏皮隱几詩

# 柴門

泛舟登瀛西回首望兩崖東城乾旱天其氣如焚柴長  
影沒窈窕餘光散谿訝大江蟠嵌根歸海成一家下衝  
割坤軸竦壁攢鏤鄒蕭瑟灑秋色氣昏霾日車峽門自  
此始最窄容浮查禹功翊造化疏鑿就歌斜巴渠決太  
古衆水為長蛇風烟渺吳蜀舟楫通鹽麻我今遠遊子  
飄轉混泥沙萬物附本性約身不願奢茅棟蓋一牀清  
地有餘花濁醪與脫粟在眼無咨嗟山荒人民少地僻  
日夕佳貧病固其常富貴任生涯老於干戈際宅幸蓬

草遮石亂上雲氣杉青延日華賞妍又分外理慙夫何

誇足了垂白年敢居高士差

師注差輩也未聞殆有差耳但言高士差亦可一笑

書此豁平昔迴首猶暮霞

夢弼曰谿火舍切銜虛加切谷中也使邱衍切巖也沫

曰夢弼為夷丹

### 甘林

捨舟越西岡入林解我衣青芻適馬性好鳥知人歸晨  
光映遠岫夕露見日晞遲暮少寢食清曠喜荆扉經過  
倦俗態在野無所違試問甘藜藿未肯羨輕肥喧靜不

同科出處各天機勿矜朱門是陋此白屋非明朝步鄰  
里長老可以依時危賦斂數脫粟為爾揮相攜行豆田  
秋花藹菲菲子實不得喫貨市送王畿盡添軍旅用迫  
此公家威

賁豆助軍詩人有過甚者然足以成

主人長跪辭戎馬何時稀

我衰易悲傷屈指數賊圍勸其死王命慎莫遠奮飛

鶴曰

按唐史是年吐蕃寇近畿故此詩有軍興賦斂之語

暇日小園散病將種秋菜督勒耕牛兼書觸目

不愛八州府畏人嫌我真及乎歸茅宇傍舍未曾嗔老



病忌拘束應接喪精神江村意自放林木心所欣秋耕

屬地濕山雨近甚勻冬菁飯之半

飯之半亦奇怪

牛力晚來新

深耕種數畝未甚後四隣嘉蔬既不一名數頗具陳荆

巫非苦寒採擷接青春飛來兩白鶴暮啄泥中芹雄者

左翮垂損傷已露筋一步再流血尚經增綴勤三步六

號叫

三步六號怪

志屈悲哀頻鸞鳳不相待側頸訴高旻杖

藜俯沙者為汝鼻酸辛

洙曰尚經增綴勤經一作驚夢  
鴈曰增咨登切綴與繫同之若

切增綴以絲

繫矢而射也

月

斷續巫山雨  
天河此夜新  
若無青嶂月  
愁殺白頭人  
題

趙曰  
長安

上直北斗  
公之家在

見螢火

巫山秋夜螢火飛  
簾疎巧入坐人衣  
忽驚屋裏琴書冷  
復亂簷前星宿稀  
却繞井欄添箇箇  
偶經花葉弄輝輝  
滄江白髮愁看汝  
來歲如今歸未歸

寄劉峽州伯華使君四十韻

峽內多雲雨秋來尚鬱蒸遠山朝白帝深水謁夷陵遲  
暮嗟為客西南喜得朋哀猿更起坐落鴈失飛騰伏枕  
思瓊樹臨軒對玉繩青松寒不落碧海闊逾澄昔歲文  
為理羣公價盡增家聲同令聞時論以儒稱太后當朝  
肅頌則天語多才接迹昇翠虛捐魍魎丹極上鯢鵬宴引春

壺滿

一作酒

恩分夏簞冰

只合滿字壺即酒矣永字義虛謂簞

雕章五色筆

紫殿九華燈學並盧王敏書偕褚薛能老兄真不墜小

子獨無承近有風流作聊從月繼徵放蹄知赤驥捩翅  
服蒼鷹卷軸來何晚襟懷庶可憑會期吟諷數益破旅  
愁疑雕刻初誰料纖毫欲自矜神融躡飛動戰勝洗侵  
凌妙取筌蹄棄高宜百萬層白頭遺恨在青竹幾人登  
回首追談笑勞歌跼寢興年華紛已矣世故莽相仍刺  
史諸侯貴郎官列宿應潘生驂閣遠黃霸壘書增乳贊  
號攀石饑飢訴落膝藥囊親道士灰劫問胡僧憑久烏  
皮綻簪稀白帽稜林居看蟻穴野食待魚罾筋力交凋

喪飄零免戰兢皆為百里宰正似六安丞

此六安丞亦難注

姤

女縈新裏丹砂冷舊秤但求椿壽永莫慮杞天崩鍊骨  
調情性張兵撓棘矜養生終自惜伐數必全懲政術甘  
踈誕詞場愧服膺展懷詩誦魯割愛酒如澠咄咄寧書

字冥冥欲避矰江湖多白鳥天地有青蠅

注或以白鳥為蚊蚋非宜

有兩句皆說諷成甚律度○洙曰峽州夷陵郡趙曰更  
起坐更音平聲洙曰五蠅星名謝玄暉詩玉蠅低建章  
趙曰家聲同今聞言已與劉使君也洙曰甘泉賦捐夢  
題注捐殺也南史江淹夢得五色筆西京雜記元日燃  
九華燈於終南山下盧王禕薛謂盧照鄰王勃禕遂良  
薛稷也趙曰卿從月繼微謂劉使君近詩可以月月相

欽定四庫全書

卷十七

繼而求之也洙曰易得魚忘筌得兔忘蹄青竹青簡也  
趙曰勞歌踟躕寢興謂勞我歌詠而踟躕於寢興之間也  
趙曰郎官公自謂也漢明帝云郎官上應列宿出宰百  
里洙曰潘生駢閣遠一作潘安雲閣遠晉潘岳以太尉  
掾寓直於散騎之省高閣連雲陽景罕曜風興晏寢匪  
遑底寧其辭見岳秋興賦漢黃霸為潁川太守治為天  
下第一宣帝下詔稱揚賜閣內侯贊音賦注見八哀詩  
漢武帝穿昆明池悉是灰墨有胡僧云天地大劫將盡  
則有劫灰此劫灰之餘也夢符曰後漢桓譚數言事忤  
旨出為六安郡丞趙曰公謂昔為郎官自可出宰以言  
房唯政正如桓譚之忤旨也洙曰蛇女丹砂修煉之事  
注見前莊子上古有大椿者以八千歲為春八十歲為  
秋列子杞國有人憂天崩墜身無所寄漢徐樂書陳涉  
起窮巷奮棘矜注棘戟也矜戟之把也時秦銷兵器故  
但有戟之把耳矜音巨巾反夢瑤曰伐數伐猶伐性之  
伐數則言壽也或作伐叛非洙曰禮記顏子得一善則

拳拳服膺晉殷浩被廢終日書空作咄咄怪事四字揚  
子鴻飛冥冥弋人何慕焉詩青蠅喻讒人也鮑曰江湖  
多白鳥與白鷗波浩  
蕩意同言自適也

### 草閣

草閣臨無地柴扉永不關  
魚龍迴夜水星月動秋山  
久露晴初濕高雲薄未還  
泛舟慚小婦飄泊損紅顏

### 月

併照巫山出新窺楚水清  
羈棲愁裏見二十四迴明  
必驗升沉體如知進退情  
不違銀漢落亦伴玉繩橫

是變月者

欽定四庫全書

卷十七

也鶴曰公在雲安與夔州歷望夜見月凡二十四迴趙  
曰公謂看月至盡夜不逢銀漢落時亦必伴玉繩橫然  
止後

十七夜對月

秋月仍圓夜江村獨老身捲簾還照客倚杖更隨人

自是

不經人道

光射潛蚪動明翻宿鳥頻茅齋依橘柚清切露華

新

白露

白露團甘子清晨散馬蹄圓開連石樹船渡入江溪憑



几看魚樂回鞭急鳥棲漸知秋實美幽徑恐多蹊

孟氏

鶴曰孟十二倉曹與十四主簿也

孟氏好兄弟養親唯小園承顏舐手足坐客強盤飧負  
朱力葵外力葵固不可解夕葵亦晦讀書秋樹根卜鄰慚近舍訓子

覺先門

洙曰家語子路為親負米夢瑀曰力一作夕洙曰先門謂孟母教子擇鄰也

驅豎子摘蒼耳

江上秋已分林中瘴猶劇畦丁告勞苦無以供日夕蓬  
莠猶不焦野蔬暗泉石卷耳況療風童兒且時摘侵星

驅之去爛漫任遠適放筐亭午際洗剝相蒙羃登牀半  
生熟下筋還小益加點瓜薤間依稀橘奴跡亂世誅求  
急黎民糠粃窄飽食復何心荒哉膏粱客富家厨肉臭

戰地骸骨白寄語惡少年黃金且休擲

夢弼曰登牀謂  
薦之於俎也趙

曰小益謂卷耳菜能療風也洙曰李衡種橘於龍陽洲  
謂其子曰吾有千頭木奴歲可收絹千匹夢符曰漢書  
陳平傳亦食糠粃耳注云數音龍京師人謂麤屑為龍  
頭唐柳芳氏族論三世有三公者曰膏粱有令僕曰華  
腴夢弼曰西京雜記漢任倖有韓嫣好彈以金為丸  
所失者日有千餘長安為之語曰苦饑寒逐金丸

同元使君春陵行

大曆二年秋夢州作鶴  
曰公時居夢之濱西

覽道州元使君

結

春陵行兼賊退後示官吏作二首

志之曰當天子分憂之地效漢官良吏之日今盜賊  
未息知民疾苦得結輩十數公落落然參錯天下為  
邦伯萬物吐氣天下少安可待矣不意復見此興體  
制微婉頓挫之詞感而有詩增諸卷軸簡知我者不

必寄元

此意  
尤好

遭亂髮盡白轉衰病相嬰沉縣盜賊際狼狽江漢行歎

時藥力薄為客羸瘵成吾人詩家秀博采世上名

白叙  
如此

欽定四庫全書

卷十七

而起興如此比元之二詩故是作者

梁梁元道州前聖畏後生觀乎春陵

作歎見俊哲情復覽賊退篇結也實國損賈誼昔流慟

匡衡常引經道州憂黎庶詞氣浩縱橫兩章對秋月一

字偕華星致君唐虞際純朴憶大庭何時降璽書用爾

為丹青

丹青謂圖像示人也

獄訟久衰息豈惟偃甲兵悽惻念誅

求薄斂近休明乃知正人意不苟飛長纓涼飈振南岳

之子寵若鸞色沮金印大興含滄溟清

謂元詩有棄官刺船意

我

多長卿病日夕思朝廷肺枯渴太甚漂泊公孫城噉兒

具紙筆隱几臨軒楹作詩呻吟內淡墨字歌傾感彼危

苦詞庶幾知者聽

其首尾如此情事甚真洙曰漢賈誼上疏云當今事勢可為恟哭者一可

為流涕者二匡衡陳便宜及朝廷有政議傳經以對夢  
弼曰兩章即元祐春陵行及賊退示官吏作洙曰莊子  
注大庭氏古者至德之世也漢宣帝時二十石有治理  
效轍以盟書勉勵夢弼曰近休明謂治近乎三代休明  
之時也左傳楚子觀兵於周疆問焉之大小輕重馬王  
孫滿對曰德之休明雖小重也其存固昏亂雖大輕也  
趙曰不苟飛長纓謂元祐不苟且在冠冕之中也洙  
曰長卿病謂病渴也公孫城謂白帝城即夔州也

春陵行

元結次山

癸卯歲漫叟授道州刺史道州舊四萬餘戶經賊

已來不滿四千大半不勝賦稅到官未五十日承  
諸使徵求符牒二伯餘封皆曰失其限者罪至貶  
削於戲若悉應其命則州縣破亂刺史欲焉逃罪  
若不應命又即獲罪戾必不免也吾將守官靜以  
安人待罪而已此州是舂陵故地故作舂陵行以  
達下情

軍國多所須切責在有司有司臨郡縣刑法竟欲施  
供給豈不憂徵斂又可悲州小經亂亡遺人實困疲

大卿無十家大族命單羸朝餐是草根暮食乃木皮  
出言氣欲絕意速行步遲追噓尚不忍況乃鞭撲之  
郵亭傳急符來往跡相追更無寬大恩但有迫促期  
欲令驚兒女言發恐亂隨悉使索其家而又無生資  
聽彼道路言恐傷復誰知去冬山賊來殺奪幾無遺  
所願見王官撫養以惠慈奈何重驅逐不使存活為  
安人天子命符節我所持州縣忽亂亡得罪復是誰  
逋緩違詔令蒙責固所宜前賢重守分惡以禍福移

亦云貴守官不愛能適時顧惟孱弱者正直當不虧  
何人來國風吾欲獻此辭

賊退示官吏

并序

元結次山

癸卯歲西原賊入道州焚掠幾盡而去明年賊又  
攻永破邵不犯此州邊鄙而退豈力能制敵與蓋  
蒙其傷憐而已諸使何為忍苦徵斂故作詩一篇  
以示官吏

昔歲逢太平山林二十年泉源在庭戶洞壑當門前



井稅有常期日晏猶得眠忽然遭世變數歲親戎旃  
今來典斯郡山夷又紛然城小賊不屠人貧傷可憐  
是以陷鄰境此州獨見全使臣將王命豈不如賊焉  
今彼徵斂者迫之如火煎誰能絕人命以作時世賢  
思欲委符節引竿自刺船將家就魚麥歸老江湖邊  
寄狄明府博濟

梁公曾孫我姨弟不見十年官濟濟大賢之後竟陵遲  
浩蕩古今同一體比看伯叔四十人有才無命百寮底

今者兄弟一百人

百狄四十叔

幾人卓絕秉周禮在汝更用

文章為長兄白眉復天啟汝門請從曾翁說

曾翁即曾祖

太

后當朝多巧計狄公執政在末年濁河中不污清濟國

嗣初將付諸武公獨廷諍守丹陛禁中冊決詔房陵前

朝長老皆流涕太宗社稷一朝正漢官威儀重昭洗時

危始識不世才誰謂荼苦甘如薺汝曹又宜裂土食身

使門戶多旌蔡胡為飄泊岷漢間干謁王侯頗歷詆況

乃山高水有波秋風蕭蕭露泥泥虎之飢下巉岬蛟之

橫出清北早歸來黃土汚人眼易眯

洙曰狄仁傑封梁國公左傳魯東周

禮蜀志馬良兄弟五人並有才名鄉里為之諺曰馬氏五常白眉最良左傳天將啟之按武后當朝韋唐為周廢中宗為廬陵王遷於房州欲以武三思為太子仁傑數諫后感悟即日迎中宗復唐社稷希曰裂土即裂地樂毅書裂地而封之趙曰唐制節度使就第賜旌節三品以上門立戟漢書注有衣之戟曰棨洙曰詆訐也漢息夫躬歷詆公卿大臣歐曰昧英禮切莊子批糠昧日

### 寄韓諫議注

今我不樂思岳陽身欲奮飛病在牀美人娟娟隔秋水  
濯足洞庭望八荒鴻飛冥冥日月白青楓葉赤天雨霜

玉京羣帝集北斗或騎麒麟翳鳳凰芙蓉旌旗烟霧樂  
影動倒景搖瀟湘星宮之水醉瓊漿羽人稀少不在傍  
似聞昨者赤松子恐是漢代韓張良昔隨劉氏定長安  
帷幄未改神慘傷國家成敗吾豈敢色難腥腐餐楓香

周南留滯古莫惜南極老人應壽昌美人胡為隔秋水

焉得置之貢玉堂

師曰地理志岳州巴陵郡在岳之陽故曰岳陽有君山洞庭湖湘江之勝

洙曰梁元帝纂要云日光曰景司馬相如賦貫列缺之  
倒景趙曰楚辭仍羽人於丹邱洙曰漢張良其先韓人  
也高祖曰逆箸惟恨之中決勝千里之外子房功也良  
願素人間事從赤松子遊乃學辟穀導引輕身呂后德

其安太子乃強食之曰人生一世間如白駒過隙何至  
自苦如此乎良不得已強聽而食趙曰神仙傳壺公數  
試費長房權令吸酒臭惡非常長房難之洙曰史記太  
史公留滯周南春秋元命苞云老人星治平則見見則  
主壽

昌

### 寄岑嘉州

公自注州據蜀江  
外趙曰本參也

不見故人十年餘不道故人無素書願逢顏色關塞遠  
豈意出守江城居外江三峽且相接斗酒新詩終自踈  
謝朓每篇堪諷誦馮唐已老聽吹噓泊船秋夜經春草  
伏枕青楓限玉除眼前所寄選何物贈子雲安雙鯉魚

宋謝朓字玄暉漢文帝問馮唐曰父老何自為郎趙曰  
青楓謂楚地玉除謂京闕也鶴曰夔州雲安郡也洙曰  
古詩客從遠方  
來遺我雙鯉魚

魏將軍歌

將軍昔著從事衫

一語便奇

鐵馬馳突重兩銜被堅執銳略

西極崑崙月窟東嶄巖

好句法

君門羽林萬猛士惡若哮

虎子所監五年起家列霜戟一日過海收風帆平生流

單徒蠢蠢長安少年氣欲盡魏侯骨聳精爽緊華嶽峰尖

見秋隼星纏寶校金盤陀夜騎天駟超天河櫓槍熒惑不

敢動翠蕤雲旂相蕩摩吾為子起歌都護酒闌挿劍肝

膽露鈎陳蒼蒼玄武暮萬歲千秋奉明主臨江節士安

足數

起仄音節壯麗甚偉○注謂子美自稱節士此必不可者也朱曰被堅執銳見漢書荊巖參差見相

如山林賦鄭曰斯士咸切石高峻貌荆溪吳子良明輔云崑崙月窟在西而謂之東者蓋謂魏將軍略地至西方之極而回顧崑崙月窟却在東也朱曰君門羽林禁猶也漢有羽林軍趙曰車驚鳥也時可曰星經寶校金盤陀謂馬裝也顏延年赭白馬賦具服金組兼飾丹腹寶校星經傑章霞布沫曰天官書溪中四星曰天駟攬槍妖星也晏咸火星也翠蕤雲旂皆旗也鄭曰攬初街切槍楚耕切猶所交切夢弼曰古樂府有丁都護歌樂錄云丁都護歌者彭城內史徐達為魯執所殺宋高祖乃使督護丁昨次殯之達妻高祖長女也呼昨至闔下

自問歎送之事每問報嘆息曰丁都護其聲哀切後人  
因其聲廣其曲馬趙曰鈞陳星名玄武闕名修可曰臨  
江節士史失其名唯古樂府載宋陸厥臨江王節士  
歌曰節士懷既髮上衝冠彎弓掛弱水長劍殊雲端

秋峽

江濤萬古峽肺氣久衰翁不寐防巴虎全生狎楚童

至狎

樵豎且  
以自全

衣裳垂素髮門巷落丹楓常怪商山老兼存翊

贊功

非無能  
無忘者

日暮

牛羊下來久各已閉柴門風月自清夜江山非故園

人人



能言人人不能言與  
可惜歡娛地同耳

石泉流暗壁草露滴秋根頭白燈

明裏何須花燼繁

月

四更山吐月殘夜水明樓塵匣元開鏡風簾自上鉤免  
應疑鶴髮蟾亦戀貂裘斟酌姮娥寡天寒奈九秋

曉望

白帝更聲盡陽臺曉色分高峰寒上日疊嶺宿靈雲地  
折江帆隱天清木葉聞

語至不可  
解則妙耳

荆扉對麋鹿應共爾

為羣

別李祕書始興寺所居

不見祕書心若失及見祕書失心疾安為動主理信然  
我獨覺子神充實重聞西方止觀經老身古寺風冷冷  
妻兒待米且歸去他日杖藜來細聽

磊落真率語短而暢○亦自本分前

散有情賢於強知解者

九月一日過孟十二倉曹十四主簿兄弟

鶴曰按史是年

九月吐蕃寇靈州

邠州京師成嚴

藜杖侵寒露蓬門啟曙烟力稀經樹歇老困撥書眠

語自

稱意

秋覺追隨盡來因孝友偏清談見滋味爾輩可忘年

趙曰漢禰衡始弱冠孔融年四十為忘年交

### 過客相尋

窮老真無事江山已定居地幽忘盥櫛客至罷琴書挂壁移筐果啼兒問煮魚時聞繫舟楫及此問吾廬

孟倉曹步趾領酒醬二物滿器見遺老夫

楚岍通秋後胡牀面夕畦藉糟分汁滓甕醬落提攜飯

羈添香味朋來有醉泥理生那免俗方法報山妻

宋曰劉伶

酒德頌批麴糲糟麴曰周種醴齊注云醴猶體也成而汁滓相持麴醴曰司馬遷傳堯舜醴梁之食注音秣張要曰一斛粟春七斗米為麴醉如泥見漢周澤傳師曰方法謂造酒與醫之方法也

課小豎鉏斫舍北果林枝蔓荒穢淨訖移牀三首

病枕移茅棟荒鉏淨果林背堂資僻遠在野興清深山

雉防求敵江猿應獨吟洩雲高不去隱几亦無心

資防應洩

雲突兀甚

○解不得

衆壑生寒早長林捲霧齊青蟲懸就日朱果落封泥

亦眼

前人  
不到

薄俗防人面全身學馬蹄

馬蹄亦得大意

吟詩坐迴首

隨意葛巾底

自書○洙曰左傳子產曰人心不同如其面馬趙曰莊子馬蹄可以踐霜雪毛可以

禦風寒龍草飲水翹足而陸此馬之真性也

離弱門何向沙虛岸只推

字意宛轉

日斜魚更食客散馬還

來

幽趣宛審

寒水光難定秋山魯易哀天涯稍曛黑倚杖更

徘徊

溪上

峽內淹留客溪邊四五家古苔生迹地秋竹隱疎花塞

俗人無井山田飯有沙西江使船至時復問京華

鶴曰  
甚一

作苦鄭曰連

側格切迫也

### 中夜

中夜江山靜危樓望北辰長為萬里客有愧百年身故  
國風雲氣高堂戰伐塵胡雛負恩澤嗟爾太平人

### 復愁十二首

人烟生處僻虎跡過新蹄野鶻翻窺草村船逆上溪  
釣艇收綯盡昏鴉接翅稀月生初學扇雲細不成衣

萬國尚防寇故園今若何昔歸相識少

今又可知

早已戰場

多

身覺省郎在家須農事歸年深荒草徑老恐失柴扉

金絲鏤箭鏃阜尾掣旗竿一自風塵起猶嗟行路難

洙曰

金絲箭阜尾

旗皆胡服也

正觀銅牙弩開元錦獸張花門小箭好此物棄沙場

用夷

變夏輕棄前輩○趙曰書若虞機張則所謂錦獸張者亦弩之物耳鶴曰漢書申屠嘉以材官蹶張曰云材官之士多力能脚踏強弩張之故曰蹶張師曰花門回紇也

胡虜何曾盛干戈不肯休問閭聽小子談笑覓封侯

鶴曰

按唐史至德年間府庫無蓄積朝廷專以官爵賞功諸將出師皆給空名告身自開府特進列卿大將軍以至中郎即將聽臨事注及清渠之敗復以官爵收散卒應募入軍者一切衣金紫至有朝士僮僕衣金紫稱大官而執賤役者

今日翔麟馬先宜駕鼓車無勞問河北諸將角榮華

夢符

曰按唐志翔麟廐名洙曰漢文帝以千里馬駕鼓車

任轉江淮粟休添苑囿兵由來貌虎士不滿鳳凰城

趙曰

鳳凰城謂京兆也



江上亦秋色火雲終不移  
巫山猶錦樹南國且黃鸝

每恨陶彭澤無錢對菊花  
如今九日至自覺酒須賒

洙曰

南史陶潛九日無酒出宅邊叢菊中坐  
久之逢刺史王弘送酒至即醉而歸

病減詩仍拙吟多意有餘  
莫看江總老猶被賞時魚

洙曰

江總字總持在陳授尚書令陳破入隋後復歸老江南  
師曰子美檢校工部朱校銀魚故託江總以自況也

### 搖落

搖落巫山暮江寒東北流  
烟塵多戰鼓風浪少行舟  
鵝

費義之墨貂餘季子裘長懷報明主  
卧病復高秋

洙曰  
晉王

長之愛鶴山陰道士養好鶴因為寫道德經龍鶴而  
歸趙曰戰國策蘇秦守季子游說秦王黑貂之裘獻

九日五首

重陽獨酌杯中酒抱病起登江上臺竹葉於人既無分

菊花從此不須開殊方日落玄猿哭舊國霜前白鴈來

弟妹蕭條各何往干戈衰謝兩相催

起一作宜洙曰張景陽七命乃有荆

南鳥程豫北竹葉竹葉酒名也鮑曰竿說載北方有白鴈似鴈而小秋深乃來來則霜降北人謂之霜信

舊日重陽日傳杯不放杯即今蓬鬢改但媿菊花開北

闕心長戀西江首獨迴茱萸賜朝士難得一枝來

洙曰唐志

九日賜宴

及來英

舊與蘇司業兼隨鄭廣文米花香泛泛坐客醉紛紛野  
樹歌還倚秋砧醒却聞歡娛兩冥冥西北有孤雲

故里樊川菊登高素漣源他時一笑後今日幾人存巫  
峽蟠江路終南對國門繫舟身萬里伏枕淚雙痕為客

栽烏帽從兒具綠樽佳辰對羣盜愁絕更堪論

鶴曰樊川以漢

將軍樊噲食邑於此得名即杜陵之鄉漣水為長安大  
川漣所簡切夢弼曰終南長安之南山也洙曰沈休文

詩憂來

命綠樽

風急天高猿嘯哀，渚清沙白鳥飛迴。  
無邊落木蕭蕭下，不盡長江滾滾來。

句自雄暢

萬里悲秋常作客，百年多病獨

登臺艱難苦恨繁，霜鬢潦倒新停濁酒杯。

結復鄭重

李秋江村

喬木村墟古，疎籬野蔓懸。  
素琴將暇日，白首望霜天。  
登俎黃甘重，支牀錦石圓。  
遠遊雖寂寞，難見此山川。

李秋蘇五弟纓江樓夜宴崔十三評事韋少府姪

三首

峽險江驚急樓高月迫明一時今夕會萬里故鄉情星

落黃姑渚秋辭白帝城老人因酒病堅坐看君傾

夢弼曰十

道志忠州有黃姑渚或謂古樂府東飛伯勞西飛燕黃姑織女時相見黃姑即河鼓也乃俗聲之轉耳

明月生長好浮雲薄漸遮悠悠照邊塞悄悄憶京華清

動杯中物高隨海上槎不眠瞻白兔百過落烏紗

陶潛曰

詩天運苟如此且進杯中物海上槎注見前

對月那無酒登樓況有江

扶疎曲折不容無

聽歌驚白鬢笑舞

拓秋窻樽蟻添相續沙鷗並一雙盡憐君醉倒更覺片

心降

洙曰釋名酒有浮蟻在上泛泛然

暮歸

霜黃碧梧白鶴棲城上  
擊柝復烏啼客子入門月皎皎

誰家搗練風淒淒

古樂府必及

南渡桂水闕舟楫北歸秦川

多鼓鞞年過半百不稱意  
明日看雲還杖藜

送孟十二倉曹赴東京選

鶴曰唐志太宗時以歲早穀貴通入選者集於

洛州謂之東選

君行別老親此去苦家貧  
藻鏡留連客

藻鏡亦出

江山憔悴

人惟悴字活道塗之  
歎流滯之感也

秋風楚竹冷夜雪鞏梅春朝夕高

堂念應宜綵服新

夢符曰晉書制曰藻鏡銓衡尹曰唐  
舊史許子儒居選部不以藻鏡為意

布曰夢為楚地  
洛州有鞏縣

憑孟倉曹將書覓土婁舊莊

鶴曰土婁河  
南地名也

平居喪亂後不到洛陽岑為歷雲山問無辭荆棘深北  
風黃葉下南浦白頭吟十載江湖客茫茫遲暮心

耳聾

生年鵝冠子

謂世方  
尚武

歎世鹿皮翁眼復幾時暗耳從前

月聾

意甚怨

猿鳴秋淚缺雀噪晚愁空黃落驚山樹啼兒

問朔風

不聞風聲惟見落葉○師曰鵲男雉也其間無已一死乃亡故趙武靈王以為冠以表武士夢

弼曰後漢黃服志鵲冠環纓無難如雙鵲尾在左右五官虎貴羽林皆冠之黃曰楚人有隱居山中以鵲為冠因號鵲冠子出袁淑真隱傳洙曰劉向列仙傳鹿皮翁葛川人居太山上百餘年下賣藥於市

小園

由來巫峽水本自楚人家客病留因藥春深買為花

例

吳矯

秋庭風落果灑岬雨頽沙問俗營寒事將詩待物華

夜



絕岼風威動寒房燭影微嶺猿霜外宿江鳥夜深飛獨  
坐親雄劒哀歌歎短衣烟塵繞閭闔白首壯心違

奉酬薛十二丈判官見贈

忽忽峽中睡

不知其何從來何所指但覺彼此有之

悲風方一醒西來有

好鳥為我下青冥羽毛淨白雪慘澹飛雲汀既蒙主人

顧舉翮唳孤亭

連用六句引譬而不終

持以比佳士及此慰揚舲

清文動哀王見道發新硯欲學鴟夷子待勒燕山銘誰重  
斬郅劒致君君未聽志在麒麟閣無心雲母屏卓氏近

新寡豪家朱門高相如才調逸銀漢會雙星客來洗粉

黛日暮拾流螢

此其用孟光車肩事以美新昏也隱約之甚○其人必新娶

不是無

膏火勸郎勤六經老夫自汲澗野水日泠泠我歎黑頭

白君看銀印青

銀印青以銀青期之也

卧病識山鬼為農知地形

誰矜坐錦帳苦厭食魚腥東南兩岼坼橫木注滄溟碧

色忽惆悵風雷搜百靈空中右白虎赤節引娉婷自云

帝里女哭雨鳳凰翎襄王薄行跡莫學冷如丁千秋一

拭淚夢覺有微馨

偶叙峽中忽及神女期前車意又託丁鶴則猶前好鳥也

人生相

感動金石兩青瑩丈人但安坐休辨渭與涇龍蛇尚格

關灑血暗郊垌吾聞聰明主治國用輕刑銷兵鑄農器

今古歲方寧文王日儉德俊乂始盈庭榮華貴少壯豈

食楚江萍

師曰漢武故事上忽見一青鳥從西方集殿前東方朔曰此西王母欲來也公以薛有仙

姿故以況之高曰揚舫行舟也洙曰莊子屠牛坦刀刃若新發於剛范蠡既破吳乃浮江湖變名姓為鴟夷子皮後漢竇憲擊匈奴大破之登燕然山刻石勒功紀漢威德班固作銘夢弼曰漢元帝時西域都護甘延壽陳湯斬郅支單于於康居洙曰漢鄭弘為太尉時舉第五倫為司空班次在下每正朔朝見弘曲躬自卑上遂聽置雲母屏風分賜其間司馬相如初遊臨邛臨邛之富人卓氏有女文君新寡相如以琴心挑之文君夜奔相

如漢百官志郎官給錦帳希曰本作空中石白虎善本  
石作石珠曰本一作帝李女文選我天帝之李女襄王  
夢神女遶東華表曰言丁令威注並見前珠曰家語楚  
昭王渡江得一物大如斗圓而赤使使聘魯問於孔子  
孔子曰此所謂萍實  
者也可剖而食之

送李八祕書赴杜相公幕

鶴曰按是年六月劍南  
節度杜鴻自成都入朝

青簾白舫益州來  
巫峽秋濤天地迴  
石出倒聽楓葉下

櫓搖背指菊花開

兩句皆目擊自然而險  
易天出極舟行之妙

貪趨相府今

晨發恐失佳期後  
命催南極一星朝  
北斗

南極朝北斗  
不必可解

五雲多處是三台

趙曰南極一星謂李祕書北  
斗指長安三台長杜相公

贈李八祕書別三十韻

往時中補右扈蹕上元初元氣陵行在妖星下直廬六

龍瞻漢闕萬騎略姚墟玄朔回天步神都憶帝車一戎

纔汗馬

一戎不成語

百姓免為魚通籍蟠螭印差肩列鳳輿

從萬騎略姚墟來不意至此然非為通籍地也詩之少識謂此

事殊迎代邸喜異賞朱

虛寇盜方歸順乾坤欲晏如不才同補袞奉詔許牽裾

駕驚叨雲閣麒麟帶玉除文園多病後中散舊交疎飄

泊哀相見平生意有餘風烟平峽遠臺榭楚宮虛觸目

非論故新文尚起予清秋凋碧柳別浦落紅渠消息多

旗幟經過數里間戰連肩齒國軍急羽毛書幕府籌頻

問山家藥正鋤

公自注秘書北  
卧青城山中

台星入朝謁使節有吹

噓西蜀災長弭南翁憤始施對歟坑士卒乾沒費倉儲

勢藉兵須用功無禮忽諸

無功而見禮者如  
此忽諸者驚也

御鞍金腰

裏宮硯玉蟾蜍拜舞銀鉤落恩波錦帕舒此行非不濟

良友昔相於去棹依顏色沿流想疾徐沉綿疲井白倚

薄似樵魚乞米煩佳客鈔詩聽小胥杜陵斜晚照涵水

帶寒於莫詰清溪髮蕭蕭白映梳

夢弼曰上元初止謂改元之初非年號姚

璩在漢中舜生於姚璩玄朔回天步謂肅宗即位靈武神都愍帝車謂玄宗幸蜀未還朱曰漢書丞相陳平太尉周勃朱虛侯劉章既誅諸呂迎代王於代邸而立之是為文帝帝即位益封朱虛侯二千石黃金一千斤夢弼曰朱虛侯乃高祖齊王之子李祕書亦宗室也故以為比朱曰魏辛毗諫文帝帝不答起入內毗隨而引其裾漢司馬相如有消渴疾後為孝文園令晉嵇康拜中散大夫嘗與阮籍輩為竹林之遊左傳脣亡齒寒魏武奏事曰若有急則揮羽於檄謂之羽檄漢張湯傳乾沒注云得利為乾失利為沒玉蟾蜍貯硯水之器也鄭曰乞去既切欽楚交切洙曰杜陵潯水公之故里也

奉送韋中丞之晉赴湖南

鶴曰韋之晉為衡州刺史

寵渥徵黃漸權宜借寇頻湖南安背水

背水依山

如峽內憶

行春王室仍多故蒼生倚大臣還將徐孺榻虛處待高

人

洙曰漢黃霸為潁川太守治為天下第一徵守京兆尹寇恂從光武南征至潁川盜賊悉降百姓遮道曰

願從陛下復借寇君一年夢弼曰東方朔外傳郡守四馬駕車一馬行春鵲曰峽內憶行春章嘗守峽中郡徐

孺榻注

見前

聞惠子過東溪

惠子白驢瘦歸溪唯病身皇天無老眼空谷滯斯人崖

蜜松花熟山杯竹葉春柴門了生事黃綺未稱臣

定功曰本



卑白蜜一名崖蜜蓋蜂作蜜於崖石間今云崖蜜松花  
熟又謂採松花而成蜜也賈退錄孫觀仲益與曾旆瑞  
伯吉論詩云東坡擬視詩已輸崖蜜十分甜惠洪以崖  
蜜為櫻桃又有俗子假東坡名注杜詩云金城土酥淨  
如煉為蘆蕈根者東坡地黃詩云崖蜜助甘冷山蘆發  
芳早制地黃法當用蘆蕈與蜜而用櫻桃可乎黃師是守  
酒時以酥酒遺東坡坡荅詩云關石土酥黃似  
酒揚州雲液却如酥謂土酥為蘆蕈根可乎

### 大覺高僧蘭若

公自注和尚  
去冬往湖南

巫山不見廬山遠松林蘭若秋風晚一老猶鳴日暮鐘  
諸僧尚乞齋時飯香爐峰色隱晴湖種杏僊家近白榆  
飛錫去年啼邑子獻花何日許門徒

趙曰廬山惠遠師  
也修可曰蘭若者

梵言阿蘭若唐言無淨因用以名寺若爾者切夢弼曰  
乞去既切殊曰廬山記東南有香爐峰神仙傳董奉居  
廬山治病重者種杏五株輕者一株號董仙杏林趙曰  
近白榆言其所居之高近乎星辰也古詩天上何所有  
歷歷種白榆趙曰飛錫謂和尚去冬往湖南見自注邑  
子謂同邑之子也希曰漢尹翁歸傳子定國欲屬託邑  
子兩人夢弼曰門徒謂從遊諸弟子也未知  
和尚歸在何日諸弟子當修供養以待之也

### 補遺

奉酬薛判官見贈

諸本誰重新邪劍一作斬蛇劍蔡夢弼會箋云斬蛇劍事非所當用是斬

邪劍乃用朱雲乞斬張禹事今按斬邪劍亦非豈邪字  
乃邪字之訛邪漢元帝時西域都護陳湯斬邪支單于  
於康居當作斬邪劍與上句待勒燕山銘下句志在麒麟  
閣意相屬後云龍蛇尚格鬬灑血暗郊垌黃鶴叔注

是年秋吐蕃入寇皆於集中已定作新  
到劍仍借蔡氏為注不復出增注也

# 百花潭水即滄浪

唐節度使崔寧妻莫國夫人家於浣  
花溪上初為兒童有僧過其家適身

瘡纖夫人奉之甚謹僧特弊衣謂曰為我濯此夫人就  
溪浣之蓮花隨出潭中及貴俗呼為百花潭見山谷外

集注

# 和裴迪蜀州東亭早梅相憶

葛常之韻語陽秋云杜詩  
東閣官梅動詩興還如何

遜在揚州按遜傳無揚州事而遜集亦無揚州梅花詩  
但有早梅詩云小園標物序驚時最是梅衝霜當路發  
映雪疑寒開枝橫却月觀花繞凌風臺朝灑長門泣夕  
照臨卽杯應知早飄落故逐上春來杜公前詩乃逢早  
梅而作故用何遜事又意却月凌風皆揚州臺觀名爾  
近時有妄人假東坡名作老杜事實一編無一事有據

至謂通作揚州法曹解含有梅

一株吟詠具下豈不投學者

陪李司馬早江上觀造竹橋

蔡興宗正異云合觀却笑  
千年事壓石何時到海東

題云觀造竹橋即日成句中合觀字謂聚觀橋  
成之速而築壓石之誕諸本皆訛作數非也

王十五前閣會

藝苑雌黃云江朝宗言杜詩俊味亦有  
來處本草蒟注云此物實為羹臠極美

足為饌中之俊  
詩見二十本卷

贈李八秘書

復齋漫錄云對揚坑士卒初不曉其義讀  
司馬相如上林賦抗士卒之精費府庫之

財抗五官切挫也方悟坑乃抗字之訛  
蓋李方八對宜論蜀中兵老財匱也

集千家註杜工部詩集卷十七

欽定四庫全書

集部

集千家註杜工部詩集卷十八

詳校官監察御史<sub>臣</sub>孫家賢

檢討<sub>臣</sub>何思鈞覆勘

總校官降調編修<sub>臣</sub>倉聖脉

校對官學正<sub>臣</sub>周

鎔

謄錄監生<sub>臣</sub>沈

斌

欽定四庫全書

集千家註杜工部詩集卷十八

自瀼西荆扉且移居東屯茅屋四首

大歷二年夔州作鶴日是

年秋公自瀼西又移居東屯又按史九月吐蕃入寇京師戒嚴

白鹽危橋北赤甲古城東平地一川穩高山四面同煙

霜淒野日秔稻熟天風人事傷蓬轉吾將守桂叢

涿日淮南

王招隱士賦桂樹叢生兮山之幽

東屯復瀼西一種住青溪來往兼茅屋淹留為稻畦市

喧宜近利

公自註西居近市易巽為近利市三倍左氏傳晏子對景公語

林僻此無蹊

若訪衰翁語須令賸客迷

賸必勝也字誤○夢弼曰賸寔註切陸機詩遊賞愧賸客

道北馮都使高齋見一川子能渠細石吾亦沼清泉枕

帶還相似柴荆即有焉

此焉字不知是他怪後押後押

斫畬應費

日解纜不知年

夢符曰畬音余燒榛種田也劉夢得竹枝歌云長刀短笠去燒畬

牢落西江外參差北戶間久遊巴子國卧病楚人山幽

獨移佳境清深隔遠關寒空見鴛鴦迴首想朝班

簡吳郎司法

鶴曰公時移居東屯以讓西華堂借吳司憲居之

有客乘舸自忠州遣騎安置瀼西頭古堂本買藉疎豁  
借汝遷居停晏遊雲石熒熒高葉曉風江颯颯亂帆秋  
却為姻婭過逢地許坐曾軒數散愁

又呈吳郎

堂前撲棗任西鄰無食無兒一婦人不為困窮寧有此  
祇緣恐懼轉須親即防遠客雖多事使挿疎籬却甚真  
已訴徵求貧到骨正思戎馬淚盈巾

此兩簡語甚婉箋  
解詩皆若此寔誤

後人



題栢大兄弟山居屋壁二首

鶴曰當是栢貞節之子姪

叔父朱門貴郎君玉樹高山居精典籍文雅涉風騷江

漢終吾老雲林得爾曹哀絃繞白雪未與俗人操

希曰古稱

貴人之子及嘗事其父者曰郎君尹曰禮記絲聲哀夢詩曰宋玉對楚襄王曰客有歌郢中者為陽春白雪屬而和者數十人而已

野屋沆寒水山籬帶白雲靜應連虎穴喧已去人羣筆

架霑牕雨書籤映隙曛蕭蕭千里馬箇箇五花文

喻其兄弟

單山人隱居

南極老人自有星北山移文誰勒銘徵君已去獨松菊  
哀壑無光留戶庭予見亂離不得已子知出處必須經

高車馬馬帶傾覆

此隱居似在大路傍故云

悵望秋天虛翠屏

洙曰齊周

顧隱鍾山後出為海鹽令欲過北山孔稚珪假山神作文以却之曰北山移文夢弼曰漢魏以來隱士名之曰徵君

### 栢學士茅屋

碧山學士焚銀魚白馬却走身岩居古人已用三冬足  
年少今開萬卷餘晴雲滿戶團傾蓋秋水浮階溜決渠

富貴必從勤苦得男兒須讀五車書

珠曰東方朔傳三冬文史足用家語

孔子遇程子于途傾蓋而語  
莊子惠施多方其書五車

東屯月夜

抱疾漂萍老防邊舊殺屯春農親異俗歲月在衡門青  
女霜楓重黃牛峽水喧泥留虎闢跡月挂客愁村喬木  
澄稀影輕雲倚細根數驚聞雀噪暫睡想猿蹲日轉東  
方白風來北斗昏天寒不成寐無夢寄歸魂

東屯北嶠

夢弼曰嶠衣  
檢切與嶠同

盜賊浮生困誅求異俗貧空村唯見鳥落日未逢人

上句

只是此意  
愈覺蕭索

步壑風吹面看松露滴身遠山回白首戰地

有黃塵

### 夜二首

白夜月休弦燈花半委眠號山無定鹿落樹有驚蟬暫  
憶江東鱸魚懷雪夜船蠻歌犯星夜重覺在天邊

城郭悲笳暮村虛過翼稀甲兵年數久賦斂夜深歸

比歲

晏翰并稅江村人夜歸  
不惟少省情事不同

暗樹依巖落明河繞塞微斗斜

人更望月細鵲休飛

茅堂檢校收稻二首

香稻三秋未平田百頃間喜無多屋宇幸不礙雲山御

袂侵寒氣嘗新破旅顏紅鮮終日有玉粒未吾慳

鄭曰古

洛切複衣也

稻米吹能白秋葵煮復新誰云滑易飽老藉軟俱勻種

幸房州熟苗同伊闕春無勞映渠益自有色如銀

鄭曰唐志

房州與夔同屬山南道伊闕河南府縣名黃曰魏文帝有車渠益賦又梁陸倕蠡孟銘曰珍逾渠益

秋野五首

秋野日疏蕪寒江動碧虛繫舟蠻井絡卜宅楚村墟棗

熟從人打葵荒欲自鉏盤飧老夫食分減及溪魚

小事誰不

能道能道者少○洙曰左太冲蜀都賦岷山之精上為井絡注岷山為東井是絡之維

易識浮生理難教一物違水深魚極樂林茂鳥知歸吾

老甘貧病榮華有是非秋風吹几杖不厭北山薇

禮樂攻吾短

謙厚典刑藹然

山林引興長掉頭紗帽側曝背竹

書光

有典有則有興有情

風落收松子天寒割蜜房

幽事楚楚然不寒儉

稀

疎小紅翠駐屐近微香

清遠閑麗少見首尾如此可愛○趙曰竹書謂竹簡書也

遠岸秋沙白連山晚照紅潛鱗輸駭浪歸翼會高風

輸不

及石響家家發樵聲箇箇同飛霜任青女賜被隔南宮

殊曰後漢樂生直南宮家貧無被帝聞而嘉之詔大官賜尚書郎已下食并給帷被

身許麒麟畫

矜重

年衰鴛鴦羣大江秋易盛空峽夜多聞

索意非不小苦而氣陳老成上下圓足

逕隱千重石帆留一片雲兒童解

蠻語不必作參軍

殊曰晉郝隆為南蠻參軍上巳日作詩曰奴偶濯清池桓溫問何物荅曰

名魚為奴偶溫曰何為作蠻語隆曰千里投公始得蠻府那得不蠻語也

傷秋

林僻來人少山長去鳥微  
高秋收畫扇久客掩柴扉  
懶慢頭時櫛艱難帶減圍  
將軍思汗馬天子尚戎衣  
白蔣風颯脆殷檉曉夜稀  
何年減豺虎似有故園歸

洙曰白蔣茭草

也殷檉檉柳也鄭曰殷鳥閨切赤黑色檉丑成切

雨

山雨不作泥江雲薄為霧  
晴飛半嶺鶴風亂平沙樹  
明滅洲景微隱見巖姿露  
拘悶出門遊曠絕經目趣  
消中



日伏枕卧久塵及屨豈無平肩輿莫辨望鄉路兵戈浩  
未息蛇虺反相顧悠悠邊月破鬱鬱流年度針灸阻朋  
曹糠粃對童孺一命須屈色新知漸成故窮荒益自卑  
飄泊欲誰訴虺羸愁應接俄頃恐違迕浮俗何萬端幽  
人有高步龐公竟獨往尚子終罕遇宿留洞庭秋天寒  
瀟湘素杖策可入舟送此齒髮暮

夢弼曰消中謂渴疾也糠粃非精米也乾

胡骨切一命小官也淋曰後漢龐德公尚子平俱見逸民傳趙曰宿留音秀留出漢書謂有所須待也

秋清

高秋蘇肺氣白髮自能梳藥餌憎加減門庭悶掃除杖  
藜還客拜愛竹遣兒書十月江平穩輕舟進所如

瞿唐兩崖

三峽傳何處雙崖壯此門入天猶石色穿水忽雲根

自佳用得縹緲如畫猱獬鬚古蛟龍窟宅尊義和冬馭近愁畏

日車翻

謂時事○夢弼曰猱乃高切獬鬚厥縛切爾雅猱善援獬鬚善顧趙曰淮南子注日乘車駕以六龍

義和  
為御

瞑

日下四山陰山庭嵐氣侵牛羊歸徑險鳥雀聚枝深正

枕當星劍收書動玉琴半扉開燭影欲掩見清砧

珠曰星劍

劍上有星文也玉琴以玉為琴徽也

### 雲

龍以瞿唐會江依白帝深終年常起峽每夜必通林收  
穫辭霜渚分明在夕岑高齋非一處秀氣豁煩襟

### 晨雨

小雨晨光內初來葉上聞霧交纔灑地風折旋隨雲暫

起柴荆色輕霑鳥獸羣麝香山一半亭午未全分

夢獨曰變

州圖經麝香山在州東南一百二十里山出麝香故以為名

天池

鶴曰天池在夔州

天池馬不到嵐壁鳥繞通百頃青雲杪曾波白石中

縠騰秀氣蕭瑟浸寒空直對巫山峽兼疑夏禹功魚龍

開闢有菱茨古今同聞道奔雷黑初看浴日紅飄零神

女雨斷續楚王風欲問支機石如臨獻寶宮九秋驚鴈

序萬里狎魚翁更是無人處誅茅任薄躬

洙曰荆楚歲時記載張騫

乘槎至天河得織女支機石穆天子傳天子西征至陽紆山河伯馮夷之所居天子沉璧禮焉河伯乃與天子披圖視典以觀天下寶器

即事

天畔羣山孤草亭江中風浪雨冥冥一雙白魚不受釣

三寸黃甘猶自青多病馬卿無日起窮途阮籍幾時醒

未聞細柳散金甲腸斷秦州流濁涇

洙曰漢書文帝時匈奴大入邊周亞

夫為將軍軍細柳注細柳在長安昆明池南

獨坐二首

竟日雨冥冥雙崖洗更青  
水花寒落岸山鳥暮過庭  
煖

老須燕玉充飢憶楚萍

避俗

胡笳在樓上哀怨不堪聽

希曰

雙崖謂瞿唐兩崖也趙曰古詩云燕趙多佳人美者顏如玉待燕玉而暖則孟子所謂七十非人不暖也楚萍

注見前卷

白狗斜臨北黃牛更在東  
峽雲常照夜江日會兼風曠

藥安垂老

五字有味

應門試小童

間趣有商畧

亦知行不逮苦恨

耳多聾

洙曰白狗黃牛並峽名

### 雨四首

微雨不滑道斷雲踈復行紫崖奔處黑白鳥去邊明

輕清

道秋日新霑影寒江舊落聲柴扉臨野碓半濕搗香秔

江雨舊無時天晴忽散絲暮秋霑物冷今日過雲遲上

馬迴休出看鷗坐不辭高軒當灑灑潤色靜書幃

物色歲將晏天隅人未歸朔風鳴淅淅寒雨下霏霏多

病久加飯衰容新授衣時危覺凋喪故舊短書稀

楚雨石苔滋京華消息遲山寒青兕叫江晚白鷗飢神

女花鈿落鮫人織杼悲繁憂不自整終日灑如絲

○精意

曰神女鮫  
人注見前

反照

反照開巫峽寒空半有無已低魚復暗不盡白鹽孤荻

岸如秋水松門似畫圖牛羊識童僕既夕應傳呼

希曰魚復

浦白鹽山也洙  
曰松門亦地名

向夕

畎畝孤城外江村亂水中深山催短景喬木易高風

意境

靜鶴下雲汀近雞棲草屋同琴書散明燭長夜始堪終



大歷二年九月三十日

為客無時了悲秋向夕終瘴餘  
夔子國霜薄楚王宮草  
敵虛嵐翠花禁冷藥紅年年小  
搖落不與故園同

十月一日

大歷二年冬夔州鶴曰按是  
年秋吐蕃入寇京師戒嚴

有瘴非全歇為冬亦不難  
夜郎溪日暖白帝峽風寒  
蒸  
裏如千室焦糖幸一梓茲辰  
南國重舊俗自相歡

洙曰  
夜郎

西南夷也健為有夜郎溪蒸裏  
焦糖夔俗之節物也梓與盤同

戲作俳諧體遣悶二首

異俗吁可怪斯人難並居家家養烏鬼

養字去聲最怪決無用養字代

供字之理且烏蠻鬼稱烏鬼亦可乎鸛鵒自是

頓頓食黃魚舊識難為態新知

已暗踈

新知漸熟厭未能遽舍其形容世態深得心髓識字之餘倍覺語味

治生且耕

鑿只有不關渠

賴此事不關渠耳○沈存中筆談峽中謂鸛鵒為烏鬼以繩繫其頸使之捕

魚得魚則倒提出之苕溪胡仔曰余觀諸公詩話烏鬼之說有四曰鸛鵒曰豬曰烏野神曰烏蠻鬼其曰鸛鵒者見沈存中筆談其曰豬者見漫叟詩話云川人每呼豬則作烏鬼聲故號豬為烏鬼其曰烏野神者見蔡寬夫詩話引元微之江陵詩云病賽烏稱鬼巫占五代龜則養字讀為供養之養其曰烏蠻鬼者見冷齋夜話云川峽路民多供事烏蠻鬼以臨江故頓頓食黃魚耳俗人不解便作養畜字讀余嘗細考其說沈以為鸛鵒者

是也鮑曰爾雅註鱸魚中黃而大者長二三丈江東人呼為黃魚

西歷青羗坂南留白帝城於羗侵客恨秬粒作人情蒸

如千室尚有少意謂送者縱橫似瓦卜傳神語畬田費家家如此至秬粒作人情則俚矣

火聲是非何處定高枕笑浮生公自注頃歲自秦涉隴從同谷縣出遊蜀留滯

於巫山也鄭曰水經注江水徑巫峽過青羗坂洙曰

左傳楚人謂虎於羗蒼舒曰宋玉招神秬粒蜜餌有銀

錙注云秬粒以蜜和麴煎作之秬奇舉切粒音汝夢符

曰元微之詩病竊烏稱冠巫占瓦代龜注云南人染病

競竊烏鬼楚巫列肆悉賣瓦卜又神龍中西京壽安縣

墨石山神祠頗靈前有兩瓦子過客投之以卜休咎仰

為吉覆為凶洙曰聲一作耕

史記火耕水耨畬田注見前

從驛次草堂復至東屯二首

鶴曰按是年秋公自東屯又歸瀼西此復

至東屯蓋冬初也

峽裏歸田客江邊借馬騎  
非尋戴安道似向習家池  
山險風煙合天寒橘柚垂  
築場看斂積一學楚人為  
短景難高臥衰年強此身  
山家蒸栗暖野飯射麋新  
世路知交薄門庭畏客頻  
牧童斯在眼田父寔為鄰

暫往白帝復還東屯

復作歸田去猶殘穫稻功  
築場憐穴蟻拾穗許村童  
落

杵光輝白除芒子粒紅加食可扶老倉庾慰飄蓬

刈稻了詠懷

稻穫空雲水川平對石門寒風踈草木旭日散雞豚野

哭初聞戰樵歌稍出村無家問消息作客信乾坤

初聞其戰

後見野哭而已五字悲甚稍字尤蕭索可憐結意沉着非託之悠悠者

柳司馬至

有客歸三峽相過問兩京函關猶自將渭水更屯兵設  
備邯鄲道和親邏遼城幽燕惟鳥去商洛少人行衰謝

身何補蕭條病轉嬰霜天到宮闕

此謂霜天寒戀主  
迴直到宮闕

寸心明

夢弼曰唐志惠州有邯鄲縣屬河北漢書北走邯鄲道修可曰邇邇吐蕃都城名也按姑蘇及

蜀本杜詩作邇邇惟歐陽文忠公本作邇些  
當是從舊史為正鄭曰邇公佐切邇四箇切

### 自平

自平宮中呂大一收珠南海千餘日近供生犀翡翠稀

復恐征戍干戈密蠻溪豪族小動搖世封刺史非時朝

蓬萊殿裏諸主將才如伏波不得驕

東坡志林杜子美詩云自平宮中呂

大一世莫曉其義而妄者至以為唐時有自平宮偶讀  
玄宗寔錄有宮中呂大一叛于嶺南杜詩蓋云自平宮

中呂大一故下文有南海收珠之句見書不廣而以意  
改文字鮮不為人所笑也鶴曰按舊史廣德元年冬官  
官廣州市舶使呂大一逐刺史張洙而反又按唐志嶺  
南道厥貢金銀孔雀犀象洙曰時溪洞蠻酋歸順者皆  
世授刺史師曰漢  
馬援為伏波將軍

久雨期王將軍不至

天雨蕭蕭滯茅屋空山無以慰幽獨  
銳頭將軍來何遲  
令我心中苦不足  
數看黃霧亂玄雲  
時聽嚴風折喬木  
泉源泠泠雜猿狖  
泥滓漠漠飢鴻鵠  
歲暮窮陰耿未已  
人生會面難再得  
憶爾腰下鐵絲箭  
射殺林中雪色鹿

前者坐皮因問毛知子歷險人馬勞異獸如飛星宿落  
應弦不礙蒼山高安得突騎只五千峯然眉骨皆爾曹  
走平亂世相催促一豁明主正鬱陶憶昔范增碎玉斗  
來使吳兵著白袍昏昏闔闔閉氛祲十月荆南雷怒號  
洙曰漢高祖見項羽於鴻門間行趨灞上留張良以玉斗獻范增增拔劍撞而碎之營弼曰南史侯景令東吳兵盡著白袍自為營陣  
趙曰闔闔吳門名也

虎牙行

公自注虎牙灘名也蕭銑僭江陵日屯兵于此後常為屯戍之地

秋風歔吸吹南國天地慘慘無顏色洞庭揚波江漢迴



虎牙銅柱皆傾側  
巫峽陰岑朔漢氣  
峯巒窅窕溪谷黑  
杜鵑不來猿狖寒  
山鬼幽憂雪霜逼  
楚老長嗟憶炎瘴  
三尺角弓兩斛力

謂秋風  
筋勁也

壁立石城橫塞起  
金錯旌竿

滿雲直漁陽突騎獵  
青丘犬戎鎖甲聞  
丹極八荒十年

防盜賊征戍誅求寡  
妻哭遠客中宵淚  
霑臆

洙曰銅柱  
灘名在涪

陵青丘內地屬洛陽  
鶴曰閭字一作  
園八荒十年防盜賊  
上疑有脫句

寫懷二首

勞生共乾坤何處異  
風俗冉冉自趨競  
行行見羈束無

貴賤不悲無富貧亦足萬古一骸骨鄰家遞歌哭鄙夫  
到巫峽三歲如轉燭全命甘留滯忘情任榮辱朝班及  
暮齒日給還脫粟編蓬石城東采藥山北谷用心霜雪  
間不必條蔓綠非關故安排曾是順幽獨達士如弦直

小人似鈎曲曲直吾不知負暄候樵牧

寫得甚恨○趙  
曰朝班公自叙

嘗為朝官也鶴曰按虎牙行云壁立石城橫塞起觀舞  
劍器行云瞿唐石城草蕭瑟則石城乃夔州地名也洙  
曰謝靈運詩居常以待終處順故安排後  
漢重謠云直如弦死道邊曲如鈎封公侯

夜深坐南軒明月照我膝驚風翻河漢梁棟已出日羣

生各一宿飛動自儔匹吾亦驅其兒營營為私實天寒  
行旅稀歲暮日月疾榮名忽中人世亂如蟻蝨古者三  
皇前滿腹志願畢胡為有結繩陷此膠與漆禍首燧人  
氏厲階董狐筆君看燈燭張轉使飛蛾蜜放神八極外  
俛仰俱蕭瑟終契如往還得匪合仙術洙曰宋玉九辯  
薄寒之中人中  
竹仲切夢弼曰燧人氏始鑽木取火炮生為熟董狐古  
之良史也書法不隱洙曰燧人火化而爭欲之心生董  
狐直筆而是非之端起故以為禍首厲  
階也終契如往還一作終然契如真

觀公孫大娘弟子舞劍器行

大歷二年十月十九日夔州別駕元特宅見臨穎李  
十二娘舞劍器壯其蔚跂問其所師曰余公孫大娘  
弟子也開元三載余尚童稚記於郾城觀公孫氏舞  
劍器渾脫瀏漓頓挫獨出冠時自高頭宜春梨園二  
伎坊內人洎外供奉曉是舞者聖文神武皇帝初公  
孫一人而已玉貌繡衣況余白首今茲弟子亦匪盛  
顏既辨其由來知波瀾莫二撫事慷慨聊為劍器行  
昔者吳人張旭善草書書帖數常於鄴縣見公孫大

娘舞西河劍器自此草書長進豪蕩感激即公孫可

知矣

子美以詩為散語故意多頓促此序引張顛草書隱映頗達情態非公不聞此妙

昔有佳人公孫氏一舞劍器動四方觀者如山色沮喪

天地為之久低昂燿如羿射九日落矯如羣帝驂龍翔

來如雷霆收震怒罷如江海凝清光

名狀得意○收字謂其猶隱隱有聲

也但舞一劍若謂其如雷如霆則非矣

絳脣珠袖兩寂寞晚有弟子傳芬

芳臨穎美人在白帝妙舞此曲神揚揚與余問答既有

以感時撫事憎惋傷先帝侍女八千八公孫劍器初第

一五十年間似反掌風塵瀕洞昏王室梨園弟子散如

煙女樂餘姿映寒日金粟堆南木已拱瞿唐石城草蕭

瑟玳筵急管曲復終樂極哀來月東出老夫不知其所

往足繭荒山轉愁疾

濃至慘黯如野笛中斷聞者猶不堪也○鄭曰煙音鵠灼也洙曰淮

南子堯時十日並出堯令羿射中九日日鳥皆死墮其

羽翼夢弼曰臨潁縣屬許州洙曰唐紀玄宗親拜五陵

至睿宗橋陵見金粟山岡有龍盤鳳翥之勢謂侍臣曰

吾千秋萬歲後宜葬此左傳爾墓之木拱矣趙曰足繭

足眠如

繭也

有歎

公自註傳蜀官軍自圍普遂

壯心久零落白首寄人間天下兵常闢江東客未還

蜀目

歸皆可言江東

窮猿號雨雪老馬望關山武德開元際蒼生豈

重攀

洙曰武德高祖年號開元明皇年號

寒雨朝行視園樹

柴門擁樹向千株丹橘黃甘此地無江上今朝雲雨歇

籬中秀色畫屏紆桃蹊李徑年雖故梔子紅椒艷色殊

鑠石藤梢元自落倚天松骨見來枯林香出實垂將盡

葉帶辭枝不重蘇愛日恩光蒙借貸清霜殺氣得憂虞

衰顏動覓藜牀坐緩步仍須竹杖扶散騎未知雲閣處

啼猿僻在楚山隅

洙曰晉潘岳秋興賦余以太尉掾寓直于散騎之省高閣連雲陽景罕曜

夙興夜寢匪遑底寧于是慨然而賦

### 白鳧行

君不見黃鵠高於五尺童化為白鳧似老翁

諺體

故畦遺

穗已蕩盡天寒歲暮波濤中鱗介腥膾素不食終日忍

飢西復東魯門鷄鵠亦蹭蹬聞道如今猶避風

夢弼曰國語海

鳥鷄鷄止於魯東門外展禽曰今茲海其有災乎夫廣州之鳥獸常知避其災是歲海多大風



冬至

年年至日長為客忽忽窮愁泥殺人江上形容吾獨老  
天涯風俗自相親杖藜雪後臨丹壑鳴玉朝來散紫宸  
心折此時無一寸路迷何處見三秦

殊曰漢書項羽三分關中王秦三降

將章邯為雍王都廢丘司馬欣為塞王都櫟陽董翳為翟王都高奴故曰三秦

舍弟觀赴藍田取妻子到江陵喜寄三首

汝迎妻子達荊州消息真傳解我憂鴻雁影來連峽內  
鵲鵲飛急到沙頭峽闕險路今虛遠禹鑿寒江正穩流朱

綏卽當隨綵鷁青春不假報黃牛

希曰沙頭亦地名在江陵修可曰漢書曉

關注在洛北藍田之南今以觀赴故云  
洙曰郭璞江賦巴東之峽夏后疏鑿

馬度秦山雲正深北來肌骨苦寒侵他鄉就我生春色

故國移居見客心歡劇提攜如意舞喜多行坐白頭吟

巡簷索共梅花笑冷蘂疎枝半不禁

洙曰歡劇一作劇  
欲王戎好如意舞

文君作  
白頭吟

庾信羅含俱有宅春來秋去作誰家短牆若在從殘草

喬木如存可假花

此若在如存  
皆書札語

卜築應同蔣詡徑為園

須似邵平瓜比年病酒開涓滴

甚真

弟勸兄酌何怨嗟

黃曰

庾信因侯景之亂自建康遁歸江陵居宋玉故宅在城北三里羅舍為桓溫別駕以廨舍喧擾於江陵城西三里小洲上立茅屋而居洙曰三輔決錄蔣詡舍中竹下開三徑惟羊仲求仲從之遊漢書邵平故秦東陵侯貧種瓜長安城東

### 別李義

神堯十八子十七王其門道國洎舒國實惟親弟昆中外貴賤殊余亦忝諸孫丈人嗣王業之子白玉溫道國繼德業請從丈人論丈人領宗卿肅穆古制敦先朝納

諫諍直氣橫乾坤子建文章壯河間經術存溫克富詩  
禮骨清慮不喧洗然遇知己談論淮湖奔憶昔初見時  
小襦繡芳蓀長成忽會面慰我久疾魂三峽春冬交江  
山雲霧昏正宜且聚集恨此當離樽莫怪執盃遲我衰  
涕唾煩重問子何之西上岷江源願子少干謁蜀都足  
戎軒誤失將帥意不如親故恩少年早歸來梅花已飛  
翻努力慎風水豈惟數盤飧猛虎卧在岸蛟螭出無痕  
王子自愛惜老夫困石根生別古所嗟發聲為爾吞

鮑日

高祖二十三子遁王元慶舒王元名衡懷王玄霸楚哀王智雲先薨太子建成巢王元吉以事誅除籍故此止言十八子而太宗有天下十七子封王也趙曰中外貴賤殊余亦忝諸孫詳詩意李義當是道國之裔孫而公則道國後裔之外孫也丈人又指李義之父嘗為宗正卿馬曰古制敦謂敦厚宗族也洙曰曹植字子建魏文帝弟也河間獻王德漢景帝子也趙曰賈誼過秦論寒者利祖褐注云小襦也

送高司直尋封閬州

丹雀銜書來暮棲何鄉樹驂騑事天子辛苦在道路司直非冗官荒山甚無趣借問泛舟人胡為入雲霧與子姻婭間既親亦有故萬里長江邊邂逅一相遇長卿消

渴再公幹沉綿屢清談慰老夫開卷得佳句時見文章  
士欣然淡情素伏枕聞別離疇能忍漂寓良會苦短促  
溪行水奔注熊羆咆空林游子慎馳驚西謁巴中侯艱  
險如跬步主人不世才先帝常特顧拔為天軍佐崇大  
王法度淮海生清風南翁尚思慕公宮造廣廈木石乃  
無數初聞伐松柏猶卧天一柱我病書不成成字讀亦

誤為我問故人勞心練征戍

趙曰尚書中侯曰亦崔丹  
書入豐止于昌前昌拜稽

首受之列子周穆王駕八駿之乘右服驂騑驅馳千里  
鶴曰司直大理寺官也洙曰漢司馬長卿病渴魏劉公幹

詩余嬰沉痾疾竄身清潭濱巴中捐閬州主人謂巴中  
侯也希曰漢天文志有羽林天軍唐兵志則有天武健  
兒神武天騎其以此為天軍耶趙曰言淮海則必嘗官  
於揚州等處也希曰南翁即如項羽傳所謂南公也趙  
曰左傳構其公宮猶卧天一柱則因以美封閬州也神  
異經崑崙有銅柱其高入天所謂天柱也故人即是指  
州封閬

### 錦樹行

今日苦短昨日休歲云暮矣增離憂霜凋碧樹作錦樹  
萬壑東逝無停留荒戍之城石色古東郭老人住青丘  
飛書白帝營斗粟琴瑟几杖柴門幽青草萋萋盡枯死

天驥跛足隨羗牛自古聖賢多薄命姦雄惡少封公侯  
故國三年一消息終南渭水寒悠悠五陵豪貴反顛倒  
鄉里小兒狐白裘生男墮地要膂力生女富貴傾邦國  
莫愁父母少黃金天下風塵兒亦得

夢後語言多亂雜有適當然者當通

前後看○夢弼曰青牛亦地名而非內地屬洛陽者趙曰羗牛蠻中牛也鄭曰羗陵之切又莫褒切生女本又

作一生

### 白帝城樓

江度寒山閣城高絕塞樓翠屏宜晚對白谷會深遊急



急能鳴雁輕輕不夜鷗夷陵春色起漸擬放扁舟

夢弼曰夷

陵峽州也

夜宿西閣曉呈元二十一曹長

城暗更籌急樓高雨雪微稍通綃幕霽遠帶玉繩稀門

鵲晨光起檣烏宿處非寒江流甚細有意待人歸

趙曰綃縑

也謂天霽之色薄如綃縑曰玉繩星名謝玄暉詩云玉繩低建章希曰檣烏謂船檣上刻為烏形以占風也

西閣口號呈元二十一

山木抱雲稠寒空繞上頭雪崖纔變石風慢不依樓社

稷堪流涕安危在運籌看君話王室感動幾銷憂

寄從孫崇簡

嗟峨白帝城東西南有龍湫北虎溪

起亦高

吾孫騎曹不

記馬業學尸鄉多養雞龐公隱時盡室去武陵春樹他  
人迷與汝鄰居未相失近身藥裏酒長攜牧叟樵童亦

無賴莫令斬斷青雲梯

修可曰世說王子猷為桓冲騎曹參軍桓問曰卿署何曹答曰

不知何曹時見牽馬來似是馬曹又問所管幾馬曰不知馬何由知數又問馬比死多少曰未知生馬知死劉

向列仙傳祝雞翁洛人也居尸鄉北山下養雞千餘頭皆有名字

奉送卿二翁統節度鎮軍還江陵

鶴曰卿二翁姓崔乃公舅氏

火旗還錦纜白馬出江城  
嘹唳吟笳發蕭條別浦清  
寒空巫峽曙落日渭陽情  
留滯嗟衰疾何時見息兵

趙曰火旗

朱旗也

### 白帝樓

漠漠虛無裏連連睥睨侵  
樓光去日遠峽影入江深  
臘

破思端綺春歸待一金

春歸待一金可念臘破思端綺非工部全集孰謂此語堪解乎

去年梅柳意還欲攪邊心

趙曰睥睨城上女牆也洙曰古詩客從遠方來遺我一端

綺

夜歸

夜來歸來衝虎過

非癡非狂語

山黑家中已眠卧傍見北斗

向江低仰見明星當空大庭前把燭嗔兩炬峽口驚猿  
聞一箇白頭老罷舞復歌杖藜不睡誰能那

夜聞簾簾

師曰樂部曰簾簾者茄管也卷蘆葉為頭截竹為管出于胡地唐編入鹵簿名

為茄管通典曰簾簾本名悲慄出於胡中其聲悲東夷有卷桃皮為之者

夜聞簾簾滄江上衰年側耳情所嚮鄰舟一聽多感傷

塞曲三更歎悲壯積雪飛霜此夜寒孤燈急管復風湍  
君知天地干戈滿不見江湖行路難

君知干戈如此則不復恨行路矣

寔歷  
喟然

### 前苦寒行二首

漢時長安雪一丈牛馬毛寒縮如蜎楚江巫峽冰入懷

虎豹哀號又堪記秦城老翁荆揚客慣習炎蒸歲絺綌

玄冥祝融氣或交手持白羽未敢釋

修可曰西京雜記漢元封中大雪深

一文野中鳥獸皆死牛馬羣縮如蜎  
洙曰老翁公自稱也趙曰白羽扇也

去年白帝雪在山今年白帝雪在地凍埋蛟龍南浦縮  
寒刮肌膚北風利楚人四時皆麻衣楚天萬里無晶輝  
三足之鳥足恐斷義和迭迭將安歸

趙曰淮南子日中有  
有跋鳥注云跋趾

也謂三  
足鳥也

### 晚晴

高唐暮冬雪壯哉舊瘴無復似塵埃崖沉谷沒白皚皚  
江石決裂青楓摧南天三旬苦霧開赤日照耀從西來  
六龍寒急光徘徊照我衰顏忽落地口雖吟咏心中哀

未怪及時少年子揚眉結義黃金臺汨乎吾生何飄零

支離委絕同死灰

意甚悲  
語甚澁

復陰

方冬合沓玄陰塞昨日晚晴今日黑萬里飛蓬映天過  
孤城樹羽楊風直江濤簸岸黃沙走雲雪埋山蒼兕吼  
君不見夔子之國杜陵翁牙齒半落左耳聾

後苦寒行二首

南紀巫廬瘴不絕太古以來無尺雪蠻夷長老怨苦寒

崑崙天關凍應折玄猿口噤不能嘯白鵠翅垂眼流血

安得春泥補地裂

夢弼曰詩南國之紀巫廬二山也崑崙山為天柱崆峒山為天關

晚來江間失大木猛風中夜飛白屋天兵斬斷青海戎

殺氣南行動坤軸不爾苦寒何大酷巴東之峽生凌澌

彼蒼迴幹人得知

兩首兩樣作者自然○洙曰本一作江門鶴曰青海戎指吐蕃也

元日示宗武

大歷三年夔州至江陵府作山谷云予謫居黔州畫書子美兩川夔峽諸

詩以遺丹稜楊素翁俾刻之石使大雅之音久湮沒而復盈三巴之耳素翁又欲作高屋廣楹庇此石因請名焉予名之曰大雅堂仍為作記其畧云由杜子美以來四百餘年斯文委地文章之士隨



世所能傑出時輩未有升子美之堂者况室家之  
好耶余嘗欲隨偶然會意處箋以數語終以汨沒  
世俗初不暇給雖然子美詩妙處乃在無意而意  
已至非廣之以國風雅頌深之以離騷九歌安能  
咀嚼其意味闐然入其門耶故使後生輩自求之  
則得之深矣使後之登大雅堂者能以余說而求  
之則思過半矣彼喜穿鑿者棄其大旨取其發興  
於所遇林泉人物草木魚蟲以為抑揚皆有所託  
如世間高度隱語者  
則子美之詩委地矣

汝啼吾手戰吾笑汝身長處處逢正月迢迢滯遠方飄  
零還柏酒衰病只藜牀訓諭青衿子名慙白首郎賦詩  
猶落筆獻壽更稱觴不見江東弟高歌淚數行

公自註  
弟豐在

江左無  
消息

又示宗武

覓句新知律攤書解滿床試吟青玉案莫帶紫羅囊假

日從時飲明年共我長應須飽經術已似愛文章十五

男兒志三千弟子行曾參與游夏達者得升堂

老人語  
○洙曰

張平子四愁詩美人贈我錦綉段何以報之青玉案晉  
謝玄少好佩紫羅香囊叔父安惠之而不欲傷其意因  
戲賭取之於此遂止  
假因架切休假也

遠懷舍弟穎觀等

陽翟空知處荆南近得書積年仍遠別多難不安居江

漢春風起冰霜昨夜除雲天猶錯莫花萼尚蕭疎對酒

都疑夢吟詩正憶渠舊時元日會鄉黨羨吾廬

鶴曰陽翟縣屬

許州潁之所在也荆南即江陵前有舍弟觀取妻子到江陵詩

太歲日

鶴曰按史大歷三年歲次戊申正月丙午朔則初三日為太歲日也

楚岸行將老巫山坐復春病多猶是客謀拙竟何人閭  
闔開皇道衣冠拜紫宸榮光懸日月賜予出金銀愁寂  
鴛行斷參差虎穴鄰西江元下蜀北斗故臨秦散地逾

高枕生涯脫要津天邊梅柳樹相見幾回新

後山詩話王摩詰詩

云九天宮殿開闔闔萬國衣冠拜冕旒子美取作五字云闔闔開黃道衣冠拜紫宸而語益工也鶴曰唐紫宸正殿名洙曰中候曰榮光出河休氣四塞榮光即五色也趙曰楚人指蜀江為西江以其從西而下也散地也

喜聞盜賊蕃寇總退口號五首

鶴曰按史大歷二年吐蕃入寇十月

路嗣恭及吐蕃戰于靈州敗之

蕭關隴水入官軍青溪黃河卷塞雲北極轉愁龍虎氣

西戎休縱犬羊羣

趙曰蕭關在靈州之傍隴水則指隴州也青海在西即吐蕃之地也

贊普多教使入秦數通和好止煙塵朝廷忽用哥舒將

殺伐虛悲公主親

說舊事○洙曰贊普吐蕃君長也趙曰開元末吐蕃金城公主薨遣使來

告又因請和明皇不許以哥舒翰節度隴右翰攻拔石堡城擒其相收九曲故地

崆峒西極過崑崙駝馬由來擁國門逆氣數年吹路斷

蕃人聞道漸星奔

趙曰劉孝標廣絕交論靡不望影星奔

勃律天西采玉河堅昆碧益最來多舊隨漢使千堆寶

少答胡王萬匹羅

鄭曰唐書西域傳大勃律西與小勃律接夢符曰唐書于闐國有玉河國

人夜視月光威震必得美玉趙曰堅昆國出碧盃

今春喜氣滿乾坤南北東西拱至尊大歷三年調玉燭

玄元皇帝聖雲孫

趙曰爾雅四氣和謂之玉燭修可曰唐以老子為聖祖封玄元皇帝師曰

爾雅釋仍孫之子為雲孫注言輕速如浮雲

續得觀書迎就當陽居止正月中旬定出三峽

鶴曰

當陽縣屬

江陵府

自汝到荆府書來數喚吾頌椒添諷詠禁火卜歡娛舟楫因人動形骸用杖扶天旋夢子峽春近岳陽湖發日排南喜傷神散北吁飛鳴還接翅行序密銜蘆俗薄江

山好

無情者不變

時危草木蘇馮唐雖晚達終覲在皇都

呂氏

童蒙訓云杜詩如雕虫篆記憶烹鯉問沉綿不說作賦而說雕虫不說寄書而說烹鯉不說疾病而說沉綿頌椒添諷詠禁火卜歡娛不說廣節但云頌椒不說寒食但云禁火亦文章之妙也

### 人日二首

元日到人日未有不陰時冰雪鸞難至春寒花較遲雲

隨白水落風振紫山悲蓮鬢稀疏疎久無勞比素絲

稀疏疎少疊

怨有態口蔡條西清詩話云都人劉克窮談典籍嘗與客論云子美人日詩元日至人日未有不陰時人知其一不知其二一起就架上取書示客曰此東方朔占書也歲後八日一日為雞二日為狗三日為豕四日為羊五

日為牛六日為馬七日為人八日為穀其日晴主所生之物育陰則災少陵意謂天寶離亂四方雲擾幅裂人物歲歲俱災豈春秋書王正月意耶

此日此時人共得一談一笑俗相看樽前栢葉休隨酒

勝裏金花巧耐寒佩劍衝星聊暫拔匣琴流水自須彈

早春重引江湖興直道無憂行路難

趙曰四民月令元日進椒栢酒洙曰

歲時記人日剪綵為花勝以相遺或鏤金薄為人勝以像瑞圖之形洙曰伯牙鼓琴志在流水

### 江梅

梅蘂臘前破梅花年後多絕知春意早最奈客愁何雪



樹元同色江風亦自波故園不可見巫岫鬱嵯峨

庭草

楚草經寒碧庭春入眼濃舊低收葉舉新掩捲牙重步  
履宜輕過開筵得屢供看花隨節序不敢強為容

將別巫峽贈南卿兄瀼西果園四十畝

苔竹素所好萍蓬無定居遠遊長兒子幾地別林廬雜  
藥紅相對他時錦不如具舟將出峽巡圃念攜鉏正月  
喧鶯未茲辰放鷁初雪籬梅可折風榭柳微舒託贈卿

家有

謂卿家所有更贈君此意尤厚

因歌野興疎殘生逗江漢何處狎

樵漁

語自可念○洙曰司馬相如賦浮文鵝注鵝水鳥畫其象於舟首以厭水怪

送大理封主簿五郎親事不合却赴通州主簿前

閬州賢子余與主簿平章鄭氏女子垂欲納米鄭

氏伯父京書至女子已許他族親事遂停

禁臠去東牀趨庭赴北堂風波空遠涉琴瑟幾虛張渥  
水出騏驎崑山生鳳凰兩家誠款款中道許蒼蒼頗謂  
秦晉匹從來王謝郎青春動才調白首缺輝光玉潤終

孤立珠明得闇藏餘寒坼花卉恨別滿江鄉

題意懶歎詩不盡興

○珠曰晉孝武帝為晉陵公主求婚謂王珣曰主婿但如劉真長王子敬便足珣對曰謝混雖不及真長不減子敬未幾帝崩袁山松欲以女妻之珣曰卿莫近葉鬻初元帝始鎮建業公私窘罄每得一豚以為珍膳項上一鬻尤美輒以薦帝時呼為禁齋故珣因以為戲混竟尚主郗鑒使門生求女婿于王導導令就東廂徧觀子弟門生歸謂鑒曰王氏諸少並佳然間信至咸自矜持惟一人在東床坦腹食獨若不聞鑒曰正此佳婿邪訪之乃羲之也遂以女妻之漢書馬生渥注水中左傳秦晉匹也晉江左以王謝為胄族晉樂廣以女妻衛玠議者以為婦公永清女婿玉潤

大歷三年春白帝城放船出瞿唐峽久居夔府將

通江陵漂泊有詩凡四十韻

鶴曰詩言舟行所經之地至宜都而止則

此詩作於

夷陵也

老向巴人裏今辭楚塞隅入舟翻不樂

言思歸之久得舟則快矣而臨

別不可為情也五字備見反覆殊不用力

解纜獨長吁窄轉深啼狔虛隨亂

浴鳧石苔凌几杖空翠撲肌膚疊壁排霜劍奔泉濺水

珠香冥藤上下濃淡樹榮枯神女峯娟妙昭君宅有無

曲留明怨惜夢盡失歡娛擺闔盤渦沸歎斜激浪輸風

雷鱗地脉水雪曜天衢鹿角真趨險狼頭如跋胡

公自注鹿

角狼頭  
二灘名

惡灘寧變色高卧負微軀書史全傾撓裝囊半

壓濡生涯臨臬兀死地脫斯須不有平川決焉知衆壑

趨乾坤靈漲海雨露洗春蕪鷗鳥牽絲颺龍濯錦紆

落霞沉綠綺殘月壞金樞

奇險坡玉塔微  
濶本出于此

泥笋苞初荻

沙茸出小蒲鴈兒爭水馬燕子逐檣烏絕島容煙霧環

州納曉晡前聞辨陶牧轉眄拂宜都縣郭南畿好津亭

北望孤勞心依憩息朗詠劃昭蘇意遣樂還笑衰迷賢

與愚飄蕭將素髮汨沒聽洪鑪丘壑曾忘返文章敢自

誣此生遭聖代誰分哭窮途

造次有體

卧疾淹為客蒙恩早

厠儒廷爭酬造化樸直乞江湖滯瀕險相迫滄浪深可

逾浮名尋已已嬾計却區區喜近天皇寺先披古畫圖

公自注此寺有晉王右軍書張僧繇畫孔子十哲形像

應經帝子渚同泣舜蒼梧

朝士兼戎服君王按湛盧旄頭初倣擾鶉首麗泥塗甲

卒身雖貴書生道固殊出塵皆野鶴歷塊匪轅駒伊呂

終難降韓彭不易呼

異代同嘆

五雲高太甲

太甲久考注謂以太甲比代宗

無據

六月曠搏扶回首黎元病爭權將帥誅山林託疲

蒲未必免崎嶇

洙曰神女峯昭君宅注見前左傳鄭子家曰小國之事大國不德則其虎也鉞

而走險急何能擇詩狼跋其胡謝玄暉詩餘霞散成綺  
澄江靜如練夢符曰本草水馬生水中善行如馬亦謂  
之海馬燕曰王粲登樓賦北彌陶牧注陶鄉名江陵縣  
西有陶朱家爾雅釋地郊外謂之牧洙曰宜都峽州也  
趙曰廷爭酌造化公嘗論房琯不宜廢夢符曰梁張僧  
繇嘗于江陵天皇寺栢堂圖盧舍那佛像夜有奇光發  
自屋壁又于堂內圖孔子十哲像或謂釋門之內寫素  
王之容雖曰神異無方豈可夷夏同貫僧繇笑曰吾誠  
偶然安知不利于後人者莫知其旨及後周滅二教梁  
為附庸荆楚祠宇莫不毀撤惟天皇寺有宣尼像遂為  
國庠時人嘆其先覺又嘗于此寺畫龍不即點睛道俗  
請之捨錢數萬落筆之後雷雨晦冥忽失龍不知所在  
見渚官故事定功曰屈原九歌帝子降兮北渚注帝子  
堯二女也隨舜不返洙于湘水之渚史記舜南狩行死

於蒼梧之野歸葬于江南之九嶷洙曰湛盧越王劍名  
晉天文志昂為旄頭胡星也書胤征羲和倣擾天紀鶉  
首秦之分野屬雍州趙曰鶉首麗泥塗謂廣德元年長  
安陷也洙曰伊呂韓彭謂伊尹呂望韓信彭越也莊子  
鵬之徙於南溟也搏扶搖而上者九萬里去以六  
月息者也又藹然瘦而不知其所歸可不哀邪

巫山縣汾州唐使君十八弟晏別兼諸公攜酒樂  
相送率題小詩留於屋壁

卧病巴東久今年強作歸故人猶遠謫茲日倍多違接

宴身兼杖聽歌淚滿衣諸公不相棄擁別借光輝

鵲曰山谷

詩集有戲題巫山縣用杜子美韻云巴俗深留客吳儂  
但憶歸直知難共語不是故相違東縣聞銅臭江陵換



袷衣丁單巫峽  
雨慎莫暗朝暉

春夜峽州田侍御長史津亭留晏得筵字

北斗三更席西江萬里船  
杖藜登水榭揮翰宿春天  
白

髮須多酒明星惜此筵  
始知雲雨峽忽盡下牢邊  
鶴曰峽州

有下牢戍

敬寄族弟唐十八使君

與君陶唐後盛族多其人  
聖賢冠史籍枝派羅源津  
在今最磊落巧偽莫敢親  
介立寔吾弟濟時肯殺身  
物白

諱受玷行高無汙真得罪永泰末放之五溪濱鸞鳳有  
鍛翮先儒曾抱麟雷霆霹靂長松骨大却生筋一失不足  
傷念子孰自珍泊舟楚宮岸戀闕浩酸辛除名配清江  
厥土巫峽鄰登陸將首途筆札枉所申歸朝跼病肺叙  
舊思重陳春風洪濤壯谷轉頗彌旬我能汎中沅塘突

鼉獺嗔長年已省施慰此貞良臣

洙曰左傳范宣子曰晉句之祖自虞以上

為陶唐氏在夏為御龍氏在商為豕韋氏在周為唐杜氏晉主夏盟為范氏夢弼曰永泰代宗年號鄭曰水經云武陵有五溪謂雄溪滿溪西溪澗溪辰溪慈是蠻夷子孫後漢書注云今在辰州界洙曰顏延年詠嵇中散

詩鸞翮有時鍛鍛所拜切殘也鶴曰施州為清江  
郡趙曰郭璞江賦盤渦谷轉洙曰長年操舟者

泊松滋江亭

鶴曰松滋縣屬江陵府

紗帽隨鷗鳥扁舟繫此亭江湖深更白

凡水深處必黑惟湖光最白非

子美誰能道此

松竹遠還青一柱全應近高唐莫再經

恨無復再經

今宵南極外甘作老人星

洙曰一柱觀在江陵高唐觀在巫峽

行次古城店泛江作不揆鄙拙奉呈江陵幕府諸

公

老年常道路遲日復山川白屋花開裏孤城麥秀邊

開闢

見畧濟江元自濶下水不勞牽風蝶勤依漿春鷗嬾避船

王門高德業

公自注時陽城郡王衛伯玉為江陵節度使

幕府盛材賢行色

兼多病蒼茫汎愛前

泛泛舟愛向前至江陵息此老病也○兩句字字有意○夢弼曰郡

國志荊州當陽縣東南有麥城洙曰史記箕子過故殷墟作麥秀之歌

乘雨入行軍六弟宅

夢弼曰時杜位為江陵行軍司馬

曙角凌雲罷春城帶雨長水花分塹弱巢燕得泥忙令

弟雄軍佐

公數自稱令弟皆創意傳後可據耳

凡材汚省郎萍漂忍流涕

衰颯近中堂

上巳日徐司錄林園宴集

鬢毛垂領白花藥亞枝紅欹倒衰年廢招尋令節同薄

衣臨積水吹面受和風

老人語別

有喜留攀桂無勞問轉蓬

洙曰潘岳秋興賦斑鬢彪以承弁兮素髮頹以垂領劉安招隱士云攀援桂枝兮聊淹留

宴胡侍御書堂

公自注李尚書之芳鄭秘監審同集歸字韻

江湖春欲暮牆宇日猶微閣閣書籍滿輕輕花絮飛翰

林名有素墨客興無違今夜文星動吾儕醉不歸

洙曰漢楊

雄作長楊賦藉翰林以為主人子墨為客卿以風趙曰翰林以稱鄭李及胡侍御

書堂飲既夜復邀李尚書下馬月下賦絕句

湖上林風相與清殘樽下馬復同傾

甚得當日之意

久拚野鶴

如雙鬢遮莫鄰雞下五更

嚴有翼藝苑雌黃云遮莫蓋俚語猶言儘教也自唐以來

有之故當時有遮莫你古時五帝何如我今日三郎之說然詞人亦稍有之者杜詩云久拚野鶴如霜鬢遮莫鄰雞下五更李太白詩遮莫枝根長百尺不如當代多還往遮莫親姻連帝城不如當代自簪纓

### 江南逢李龜年

岐王宅裏尋常見崔九堂前幾度聞

公自注崔九即殿中監崔綽○興來

感舊不覺真率自然

正是江南好風景落花時節又逢君

鶴曰按史岐王

範睿宗子然以開元十四年薨此當是指嗣岐王珍也  
洙曰明皇雜錄云天寶中上命宮中女子數百人為梨  
園弟子時有馬仙期李龜年賀懷智皆洞知律度龜年  
特承顧遇于東都大起第宅後流落江南每遇良辰勝  
景為人歌數闋座上聞之莫不掩泣罷酒夢弼曰雲溪  
友議明皇樂工李龜年奔迫江潭曾于湖南採訪使筵  
上唱紅豆生南國秋來發幾枝贈公多採摘此物最相  
思又云清風明月苦相思蕩子從戎十載餘征人去日  
慙慙囑歸雁來時數附書此詞皆王維所作也

### 南征

春岸桃花水雲帆楓樹林偷生長避地適遠更霑襟老  
病南征日君恩北望心百年歌自苦未見有知音

此等不忍

再讀

地隅

江漢山重阻風雲地一隅年年非故物處處是窮途喪

亂秦公子悲涼楚大夫平生心已折行路日荒蕪

洙曰謝靈

運擬魏公子鄴中詩序王粲家本秦川貴公子孫遭亂流寓自傷情多楚大夫屈原宋玉也

歸夢

道路時通塞江山日寂寥偷生惟一老伐叛已三朝

紀事

有情孰不愛

雨急青楓暮雲深黑水遙夢歸歸未得不用楚



辭招

趙曰楚地多楓此言南下之景黑水在鄠杜之間去長安為近

奉送蘇州李二十五長史丈之任

星拆台衡地曾為人所憐公侯終必復經術竟相傳食  
德見從事克家何妙年一毛生鳳穴三尺獻龍泉赤壁  
浮春暮姑蘇落海邊客間頭最白惆悵此離筵

趙曰晉張華傳

少子題以中台星拆勸華遜位華不從後竟被誅今以言李長史之父惜乎無所考洙曰漢成帝時歌謠曰桂樹華不實黃鸝巢其顛故為人所羨今為人所憐左傳公侯之子孫必復其始漢韋賢父子明經位至丞相易訟卦六二食舊德貞厲終吉或從王事無成蒙九二子克家夢符曰南史謝鳳子超宗宋文帝見其作殷淑儀

誅嗟賞謂謝莊曰超宗殊有鳳毛洙曰龍泉楚王劍名  
趙曰赤壁言李長史所經之地蕪州稱姑蘇本山名

暮春江陵送馬大卿公恩命追赴闕下

自古求忠孝名家信有之吾賢富才術此道未磷緇王  
府標孤映霜蹄去不疑激揚音韻徹籍甚衆多推潘陸  
應同調孫吳亦異時北辰徵事業南紀赴恩私卿月昇  
金掌王春度玉墀薰風行應律湛露即歌詩天意高難

問人情老易悲樽前江漢濶後會且深期

洙曰後漢書  
鹿議曰求忠

臣必于孝子之門孫季昭示兒編云杜詩中多有反經  
史字音論語磨而不磷力刃切公暮春送馬大卿曰此

道未磷縑別崔湜曰但取不磷縑皆作平聲趙曰潘陸謂潘岳陸機洙曰孫吳謂孫武吳起書卿士惟月趙曰金掌謂承露仙人掌此譬其近於顯要也王春度玉璫言其以春時詣天子之丹墀也詩湛露天子燕諸侯也

暮春陪李尚書李中丞過鄭監湖亭泛舟得過字

鶴曰湖亭

在峽州

海內文章伯湖邊意緒多玉樽移晚興桂楫帶酣歌春日繁魚鳥江天足芰荷鄭莊賓客地衰白遠來過

蠶穀行

天下郡國向萬城無有一城無甲兵焉得鑄甲作農器

一寸荒田牛得耕  
牛盡耕田蠶亦成  
不勞烈士淚滂沱  
男穀女絲行復歌

三絕句

前年渝州殺刺史  
今年開州殺刺史  
羣盜相隨劇虎狼

食人更肯留妻子

師曰步將吳璘殺渝州刺史劉卞以反杜鴻漸討平之又部卒翟封殺開

州刺史蕭崇之以叛楊子琳討平之鶴曰唐志渝州屬劍南開州屬山南杜鴻漸平吳璘楊子琳平翟封在大歷元年與三年學林新編云子美杜鵑詩前四句或者謂是題下注此論殊非子美又有絕句云前年渝州殺刺史今年開州殺刺史正與鵑詩相類自是一格也

二十一  
家同入蜀唯殘一人出駱谷自說二女齧臂時

迴頭却向秦雲哭

希曰唐志鳳翔府藍屋縣有駱谷關西南界入洋州路

殿前兵馬雖驍雄縱暴略與羌渾同聞道殺人漢水上

婦女多在官軍中

師曰時天子命陸瓊以三千神策軍彈壓蜀中之亂羌渾謂吐谷渾本西

羌之種也

和江陵宋大少府暮春雨後同諸公及舍弟宴書

齋

渥洼汗血種天上麒麟兒才士得神秀書齋聞爾為

聞字

不可解必  
同字也

棣華晴雨好綵服暮春宜朋酒日歡會老夫

今始知

誠齋謂此譏諸公會不見招雖至猥淺得義外  
意○洙曰渥注汗血馬見漢書禮樂志南史徐

陵年數歲家人攜以候沙門釋寶誌誌摩其  
頂曰天上石麒麟也詩朋酒注兩樽曰朋

宇文晁尚書之甥崔或司業之孫尚書之子重泛

鄭監前湖

郊扉俗遠長幽寂野水春來更接連錦席淹留還出浦

葛巾歌側未迴船樽當霞綺輕初散棹拂荷珠碎却圓

不但習池歸酩酊君看鄭谷去黃緣

洙曰謝玄暉詩餘  
霞散成綺晉山簡

金人集卷十八  
遊習池鄭子真耕

于谷口並註見前

卷十八

惜別行送向卿進奉端午御衣之上都

大歷三年  
夏江陵府

作

肅宗昔在靈武城指揮猛將取咸京向公泣血洒行殿  
佐佑卿相乾坤平逆賊冥冥隨煙燼卿家兄弟功名震  
麒麟閣畫鴻雁行紫極出入黃金印尚書勲業超千古  
雄鎮荊州繼吾祖裁絳雲霧成御衣拜跪題封賀端午  
向卿將命寸心赤青山落日江湖白卿到朝廷說老翁

漂零已是滄浪客

趙曰向御其名無所考鶴曰尚書謂衡伯玉也時為荆南節度江陵尹趙

曰公之遠祖杜預在晉為鎮南大將軍都督荊州諸軍事

夏日楊長寧宅送崔侍御常正字入京探韻得深

字

鶴曰唐志長寧縣屬鎮北大都護府

醉酒揚雄宅升堂子賤琴不堪垂老賢還對欲分襟天

地西江遠星辰北斗深烏臺俯麟閣長夏白頭吟

洙曰揚雄

有宅一區家素貧嗜酒必子賤治單父彈琴不下堂而單父治御史府名烏臺注見前希曰唐改秘書省為麟

閣



夏夜李尚書筵送字文石首赴縣聯句

夢弼曰李尚書名之

芳字文名或尚書之甥也石首縣屬江陵

愛客尚書重之官宅相賢

甫

酒香傾坐側帆影駐江邊

之芳

翟表郎官瑞鳬看令宰仙

或

雨稀雲葉斷夜久燭

花偏

甫

數語敲紗帽高文擲綵牋

之芳

興饒行處樂離

惜醉中眠

或

單父長多暇河陽寔少年

甫

客居逢自出

為別幾淒然

之芳

○洙曰晉魏舒少孤為外家甯氏所

養甯氏起宅相者云當出貴甥外

祖母以盛氏甥小而慧意謂應之舒曰當為外氏成此宅相書羽吹夏翟注翟雉名漢蕭望之為郎有雉數十

常隨車翔集王喬鳬鳥安子賤治單父潘岳為  
河陽令並見前注左傳晉侯曰康公我之自出

多病執熱奉懷李尚書之芳

衰年正苦病侵陵首夏何須氣鬱蒸大水淼茫炎海接

奇峯碑兀火雲升思霑道暘黃梅雨敢望宮恩玉井冰

不是尚書期不顧山陰野雪興難乘

山陰野雪反語○  
鄭曰暘音謁暑病

也趙曰唐制百官賜冰沐曰漢陳遵每飲賓客輒闔門  
取客車轄投井中雖有急終不得去時北都刺史奏事  
過遵值其方飲刺史大窮候遵霑醉時笑入見遵母叩  
頭自白當對尚書有期會狀母乃令從後閤出應休璉  
與公琰書仲儒不辭同產之服孟公不顧尚書之期晉  
王子猷居山陰雪夜懷戴安道便乘舟詣之造門不前

而返曰乘興而來興盡而返何必見安道耶

水宿遣興奉呈羣公

魯鈍仍多病，逢迎遠復迷。  
耳聾須畫字，髮短不勝篦。  
澤國雖勤雨，炎天竟淺泥。  
小紅還積浪，弱纜且長堤。  
歸路非關北，行舟却向西。  
暮年漂泊恨，今夕亂離啼。  
稚穉頻書札，盤食詎糝藜。  
我行何到此，物理直難齊。  
高枕翻星月，嚴城疊鼓鞀。  
風號聞虎豹，水宿伴鳬鷖。  
異縣驚虛往，同人惜解攜。  
蹉跎長汎鷁，展轉屢聞雞。  
疑疑瑚璉器，陰

陰桃李蹊餘波期救涸費日苦輕齎杖策門闌遂肩輿  
羽翮低自傷甘賤役誰憇彊幽樓巨海能無釣浮雲亦  
有梯勲庸思樹立語默可端倪贈粟困應指登橋柱必

題丹心老未折時訪武陵溪

鶴曰澤國字出周禮勤雨字雖出穀梁傳言不雨者

勤雨也而此乃勤數之義洙曰家語孔子慕羹不糝李廣傳桃李不言下自成蹊吳周瑜求資糧于魯肅肅家有兩困米各三千斛肅乃指一困與周瑜成都城北有昇遷橋司馬相如初西去題其柱曰不乘駟馬車不復過此橋

# 江陵望幸

雄都元壯麗望幸歛威神地利西通蜀天文北照秦風

煙含越鳥舟楫控吳人

且悲且喜倉卒有氣

未枉周王駕終期漢

武巡甲兵分聖旨居守付宗臣早發雲臺仗恩波起涸

鱗

鶴曰按史上元元年以江陵府為南都又按廣德元年

鱗年吐蕃入寇代宗幸陝以衛伯玉有幹畧可當方面

任大事乃拜荆南節度使意是時代宗有意幸江陵故

公有此作王內翰注云時大駕在蜀然明皇幸蜀時未

以江陵為都也洙曰周穆王肆意遠遊駕八駿之乘漢

武帝南巡至于盛唐註盛唐南郡也景帝時七國反以

誅晁錯為名錯欲令上自將兵而身居守蕭何漢之宗

臣鶴曰宗臣指郭子儀時代宗幸陝郭子儀旋復京師

帝以子儀為

京城留守

虢國夫人

虢國夫人承主恩，平明上馬入宮門。  
却嫌脂粉污顏色，

淡掃蛾眉朝至尊。

夢弼曰：唐書楊貴妃有姊三人，長封虢國，並承恩出入宮掖。

遣悶

地闊平沙岸，舟虛小洞房。  
使塵來驛道，城日避烏樞。  
暑

雨留蒸濕，江風借夕涼。  
行雲星隱見，疊浪月光芒。  
螢鑒

緣帷徹蛛絲，冒鬢長。

閒冷不厭

哀箏猶凭几，鳴笛竟霑裳。  
倚

著如秦贅，過逢類楚狂。  
氣衝看劍匣，穎脫撫錐囊。  
妖孽

關東臭兵戈隴右瘡時清疑武畧世亂跼文場餘力浮

于海端憂問彼蒼百年從萬事故國耿難忘

趙曰泊船近城日為

城所障故云城日避烏檣此公之巧句也螢鑒者以螢光可以照物也鄭曰賈音吠掛也洙曰賈誼傳秦人家貧子壯則出贅論語楚狂接輿晉張華見劍氣衝牛斗史記平原君曰士之處世譬如錐之處囊中其末立見毛遂曰使遂蚤得處囊中乃穎脫而出非特其末而已謝莊月賦端憂多暇

江陵節度使陽城郡王新樓成王請嚴侍御判官

賦七字句同作

鶴曰節度使衛伯玉也

樓上炎天冰雪生高飛燕雀賀生成碧窻宿霧濛濛濕

朱拱浮雲細細輕杖鉞寨帷瞻具美投壺散帙有餘清

自公多暇延參佐江漢風流萬古情

修可曰晉羊球登西樓賦云畫棟浮

細細之輕雲朱拱濕濛濛之飛雨王逸少見之愛美竟日洙曰漢宗資為中郎將杖鉞將兵督州郡賈琮為冀州刺史舊典傳車驂駕垂赤帷裳迎于州界及琮之部升車言曰刺史當遠視廣聽糾察美惡何有反垂帷裳以自掩塞乎乃命御者褰之百城聞風震悚祭遵為將軍對酒設樂必雅歌投壺

### 又作此奉衛王

西北樓城雄楚都遠開山岳散江湖二儀清濁還高下

三伏炎蒸定有無

出語如此江風三月何足陳哉

推轂幾年惟鎮靜曳



裾終日盛文儒白頭授簡焉能賦愧似相如為大夫

洙曰

漢馮唐傳古者命將跪而推轂曰闌以內寡人制之闌以外將軍制之鄒陽傳何王之門不可或長裾乎謝惠連雪賦梁王遊于兔園授簡于司馬大夫曰為寡人賦之漢藝文志登高能賦可以為大夫

### 江邊星月二首

驟雨清秋夜金波耿玉繩天河元自白江浦向來澄映

物連珠斷緣空一鏡升餘光憶更漏況乃露華凝

洙曰謝玄

暉詩金波麗鳩鵲玉繩低建章趙曰金波謂月玉繩謂星也洙曰漢志五星如連珠

江月辭風纜江星別霧船雞鳴還曙色鷺浴自晴川歷

歷竟誰種悠悠何處圓客愁殊未已他夕始相鮮

種謂星注

引白榆終但賦雜他語如何見是星月子美詩每有此○殊曰古詩天上何所有歷歷種白榆

### 舟月對驛近寺

更深不假燭月朗自明船金刹清楓外朱樓白水邊城  
烏啼眇眇野鷺宿娟娟浩首江湖客鉤簾獨未眠

### 舟中

風餐江柳下雨卧驛樓邊結纜排魚網連檣並米船今  
朝雲細薄昨夜月清圓飄泊南庭老祇應學水仙

趙曰鮑照

詩風餐委松栢雲卧恣天行南庭老公自謂也南庭者  
猶北地謂之北庭耳鄭曰結字音係出漢書張釋之跪

為王生結鞶

注結讀曰係

秋日荆南述懷三十韻

昔承推獎分媿匪挺生材遲暮宮臣忝艱危宸職陪揚  
鑣隨日馭折檻出雲臺罪戾寬猶活干戈塞未開星霜  
玄鳥變身世白駒催伏枕因起忽扁舟任往來九鑽巴  
巘火三蟄楚祠雷望帝傳應寔昭王問不迴蛟螭深作  
橫豺虎亂雄猜素業行已矣浮名安在哉琴鳥曲怨憤

庭鶴舞推頽秋水漫湘竹陰風過嶺梅苦搖求食尾常

曝報恩腮結舌防讒柄探腸有禍胎

意甚苦

蒼茫步兵哭

展轉仲宣哀飢籍家家米

公自注籍入聲

愁徵處處盃休為貧

士歎任受衆人咤得喪初難識榮枯劃易該差池分組

冕合沓起蒿萊不必伊周地皆登屈宋才漢庭和異域

晉史圻中台霸業尋常體宗臣忌諱災

霸業尋常體謂出孫于外此宗

臣所甚諱也

羣公紛戮力聖慮宵徘徊數見銘鐘鼎真宜法

斗魁顧聞鋒鏑鑄莫使棟梁推盤石圭多剪凶門殺少

推垂旒資穆穆祝網但恢恢亦雀翻然至黃龍不假媒

賢非夢傳野隱類鑿顏坏自古江湖客冥心若死灰然矯

而止○師曰唐六典注補闕拾遺武后時置取詩家職  
有闕惟仲山甫補之之義以名今公正言為拾遺時也

洙曰漢朱雲折檻詳見後折檻行注明帝圖畫功臣於  
南宮雲臺趙曰廣雅玄鳥燕也洙曰漢魏豹傳人生一

世如白駒之過隙論語鑽燧改火漢樂巴嘗與酒以救  
蜀大趙曰月令仲秋之月雷乃收聲公以八月在夔在

江陵是見雷之三蟄矣楚祠楚人祠祭也希曰公自入  
蜀至下峽之年恰是九春其中在夔三年耳洙曰成都

記望帝死其魂化為杜鵑左傳齊桓公以諸侯之師伐  
楚責以兩貢包茅不入及昭王南征而不復楚子使屈

完對曰貢之不入寡君之罪也昭王南征而不復君其  
問諸水濱按昭王南征至漢以膠舟故溺死趙曰琴奏

烏夜啼之曲而庭鶴為之舞也洙曰司馬子長報任少  
卿書猛虎在檻穽之中搖尾而求食秦記龍門魚登者  
化為龍不登者點額暴腮而返漢書結諫臣之舌又禍  
生有胎晉阮籍為步兵校尉痛哭途窮漢末王粲字仲  
宣以避難汎離作七哀詩漢高帝與匈奴結和親之約  
晉張華傳中台星圻未幾華被害鄭曰宵伊鳥切洙曰  
漢紀高帝王子弟地犬牙相制所謂盤石之宗也史記  
成王與弟叔虞戲削桐葉為圭曰以此封若夢弼曰淮  
南子君命將臣辭而行乃瓜鬻設明衣鑿函門而出洙  
曰馮唐傳古者命將跪而推轂曰關以外將軍制之史  
記成湯見野張網乃令去其三面祝曰欲左左欲右右  
不用命乃入吾網老子天網恢恢春秋演孔圖曰鳥化  
為書孔子奉以告天赤雀集書上化為黃玉趙曰遁甲  
曰赤雀不見則國無賢注亦雀主銜書陽精也瑞應圖  
曰黃龍四龍之長也王者不濫地而漁則應和氣而遊  
于池沼此皆言祥瑞也夢弼曰淮南子魯君欲相顏闔

金八八二  
使人以幣先馬  
顏闔鑿坏而遁  
揚雄解嘲云士或鑿坏以遁

江漢

江漢思歸客乾坤一腐儒片雲天共遠永夜月同孤落

日心猶壯秋風病欲蘇古來存老馬不必取長途

古今詩話

云楊大年不喜杜詩謂之村夫子有鄉人以杜詩強大年大年不服因曰公試為我續江漢思歸客一句大年亦為屬對鄉人曰乾坤一腐儒大年似少屈趙曰韓非子管仲隰朋從桓公伐孤竹返迷哉失道管仲曰老馬之智可用也乃放老馬而隨之遂得道焉公之意蓋以自喻也

遠遊

江閣浮高棟雲長出斷山塵沙連越雋風雨暗荆蠻雁

矯銜蘆內猿啼失木間樊襄蘇季子歷國未知還

夢符曰唐

志越雋劍南道也洙曰國策蘇秦字季子說秦王不行黑貂之裘樊

折檻行

鶴曰此詩似為崔旰作也大歷初杜鴻漸入蜀表旰為節度使是年四月旰入朝五

月加檢校左散騎常侍未幾又加檢校工部尚書公蓋深惜當時朝廷無一人敢言者夢弼曰漢成帝時朱雲上書乞斬張禹上怒令御史將雲下雲攀殿檻檻折後當治檻上曰勿易因而葺之以旌直臣故後世殿檻皆曲以雲故也

嗚呼房魏不復見秦王學士時難羨青襟胄子困泥塗



白馬將軍若雷電千載少似朱雲人至今折檻空嶙峋

婁公不語宋公語尚憶先皇容直臣

洙曰房魏房玄齡魏徵也初太宗為

秦王開文學館有十八學士鶴曰青襟胄子謂國子生也書命夔典樂教胄子定功曰魏龐德常乘白馬與關公戰射關中額關軍謂之白馬將軍修可曰左太冲魏都賦陷陷嶙峋注高也容齋二筆云杜詩折檻行千載少似朱雲人至今折檻空嶙峋婁公不語宋公語尚憶先皇容直臣此篇專為諫諍而設謂婁師德宋璟也人多疑婁公既無一語何得為直臣錢仲仲云朝有闕政或婁公不語則宋公語但師德乃是武后朝人璟為相其亡久矣杜有祭房相國文言羣公間出魏杜婁宋亦併二公稱之詩言先皇謂玄宗也婁氏別無顯人有聲開元間為不可曉

秋日荆南送石首薛明府辭滿告別奉薛尚書頌

德叙懷斐然之作三十韻

鶴曰石首江陵屬邑也薛尚書景仙也按史永

泰大歷間吐蕃再遣使者來聘以戶部尚書薛景仙往報

南征為客久西候別君初歲滿歸鳧舄秋來把雁書荆  
門留美化姜被就離居聞道和親入垂名報國餘連枝  
不日並八座幾時除往者胡星孛恭惟漢網疎風塵相  
頌洞天地一丘墟殿瓦鴛鴦坼宮簾翡翠虛鉤陳摧傲  
道槍纍失儲胥文物陪巡狩親賢病拮据公時呵黜兪

首唱却鯨魚勢慚宗蕭相材非一范睢

公自注秦拜范睢為客卿卒聽

其謀使五大夫綰伐魏拔懷其相秦也東伐韓少曲高平拔之又以其謀縱反間於趙趙以馬服君之子代廉頗大破趙于長平皆范睢之謀故以此諸將屍填太行道血走浚儀渠溢口師

仍會函關憤已據紫微臨大角皇極正乘輿

乘輿平聲如諒闇唐

人多此類賞從頻峨冕殊恩再直廬

公自注公舊執金吾新授羽林前後二將軍

豈惟高衛霍曾是接應徐降集翻翔鳳追攀絕衆狙侍

臣雙宋玉戰策兩穰苴鑒澈勞懸鏡荒蕪已荷鋤嚮來

披述作

公自注石首處見公新文一卷

重此憶吹噓白髮甘凋喪青雲

亦卷舒經綸功不朽跋涉體何如公自注公頃奉使應

訝耽湖橘常餐占野蔬十年嬰藥餌萬里狎樵漁揚子

淹投閣鄒生惜曳裾但驚飛熠燿不記改蟾蜍煙雨封

巫峽江淮略孟諸歷落語然湯池雖險固遼海尚填淤

努力輸肝胆休煩獨起予趙曰西候秋日也見烏指薛明府雁書謂明府得薛尚書

音問也洙曰漢姜肱兄弟三人友愛嘗同被而寢唐以六尚書左右僕射合為八座趙曰胡星指言祿山也洙

曰鄴都銅雀臺皆鴛鴦瓦西京雜記有翡翠簾趙曰魏文帝夢殿屋兩瓦墜地化為鴛鴦洙曰班孟堅西都賦

周以勾陳之位又徽道綺錯揚雄長楊賦木擁槍栗以為儲胥注槍栗作木槍相栗為柵也栗力軌切儲胥言

儲蓄以待所須也又儲胥館名鄭曰獮鳥點切諭翼乳切獸名趙曰左傳取其鯨鯢而封之以為京觀夢弼曰漢書蕭何為一代之宗臣此以比郭令公珠曰太行山在河北浚儀渠汴河也夢弼曰澄扶甫切光黃之間水名言尚書公督諸郡節度兵會于澄口也珠曰晉天文志大角星名天王座也左傳晉侯賞從亡者夢弼曰以漢衛青霍去病比其武功以魏應德建徐公幹比其文學也趙曰翔鳳喻其兄弟也珠曰衆狙出莊子史記穰苴有司馬兵法誠齋詩話云有用文語為詩句者尤工杜云侍臣雙宋玉戰策兩穰苴蓋用如六五帝四三王珠曰湖橘潭州有橘洲也投閣曳裾注見前熠燿螢火也燿燿謂月也夢弼曰爾雅十藪宋有孟諸注今在梁國此乃公追言梁宋之舊遊也趙曰遼海指幽燕漢志注填淤壅泥也

# 哭李尚書

之芳鶴曰尚書唐宗室也安祿山奏為范陽司馬祿山反自投歸京師廣德初

使吐蕃被留二年乃得歸拜  
禮部尚書改太子賓客薨

漳濱與萬里逝水竟同年欲挂留徐劍猶迴憶戴船

極是

傷痛相知成白首此別間黃泉風雨嗟何及江湖涕泣然

客易沉著修文將管輅奉使失張騫史閣行人在詩家秀句

傳客亭鞍馬絕旅櫬網蟲懸復魄昭丘遠歸魂素滄偏

樵蘇封葬地喉舌罷朝天秋色凋春草王孫若箇邊

洙曰

劉公幹詩余嬰沉痾疾竄身清漳濱田橫門人挽歌二  
章薤露萬里希曰漢書注萬里死人里也洙曰吳季札  
聘魯過徐徐君好季札劍口不敢言札心知之為使上  
國未獻還至徐徐君已死札乃解其劍繫之冢樹而去

世言顏回卜商為地下修文郎趙曰管輅見魏志方技傳夢弼曰奉使失張騫謂李之芳廣德間嘗使吐蕃按公秋日夢府詠懷百韻末云途中非阮籍查上似張騫亦為李之芳而言也洙曰周禮秋官有大行人小行人禮記骨肉歸復于土王桀登樓賦西接昭丘注楚昭王墓也趙曰澠水名在長安潘安仁西征賦地有玄灞素澠洙曰後漢李固應詔對曰陛下之有尚書猶天之有北斗斗為天喉舌尚書為陛下之喉舌也劉安招隱王孫遊兮不歸春草生兮萋萋

重題

涕灑不能收哭君餘白頭兒童相顧盡宇宙此生浮

然悵

何所江雨銘旌濕湖風井逕秋還瞻魏太子賓客減應不盡

劉

公自注云公歷禮部尚書亮子太子賓客 洙曰蕪城賦歌曰邊風起兮城土寒并遲滅兮丘隴殘趙曰

魏文帝為太子時應瑒劉楨並見友善洙曰文帝與吳質書昔年疾疫親故懼其災徐陳應劉一時俱逝痛可

言耶

獨坐

悲秋回白首倚杖背孤城江飲洲渚出天虛風物清滄

溟服衰謝朱紱負平生仰羨黃昏鳥投林羽翮輕

洙曰本一

作滄溟恨衰謝趙曰公為尚書郎賜緋矣故云朱紱

哭李常侍嶧二首



一代風流盡修文地下深斯人不重見將老失知音是

自

可短日行梅嶺寒山落桂林長安若箇畔猶想映貂金

猶有餘韻○趙曰短日行梅嶺寒山落桂林言李常侍之櫬自廣南來也梅嶺今南安軍桂林今靜江府鶴曰

唐志左右散騎常侍隸門

下中書省皆金蟬珥貂

青瑣陪雙入銅梁阻一辭風塵遙我地江漢哭君時

可痛

次第尋書札呼兒檢贈詩對假發揮王子表不愧史臣辭

沐曰青瑣謂省中門也銅梁蜀中縣名定功曰前漢書有王子侯表李常侍乃宗室之子也

# 宴王使君宅題二首

漢主追韓信蒼生起謝安吾徒自飄泊世事各艱難逆

旅招邀近他鄉意緒寬不才甘朽質高卧豈泥蟠

洙曰漢高

帝入關諸將道亡者數十人蕭何聞韓信亡自追之晉謝安桓溫請為司馬將發高嵇戲之曰卿屢違朝旨高

卧東山諸人每相與言安石不出將如蒼生何楊子龍喘于泥

汎愛容霜鬢留歡十夜闌自吟詩送老相勸酒開顏戎馬今何地鄉園獨在山江湖墮清月醅酌任扶還

### 久客

羈旅知交態淹留見俗情衰顏聊自哂小吏最相輕去

國哀王梁傷時哭賈生狐狸何足道豺虎正縱橫

漢書

翟公書其門曰一貧一富乃知交態漢末西京擾亂王梁去而依劉表于荊州賈誼文帝時上政事疏云可為痛哭者一張綱傳豺狼當路安問狐狸



集千家註杜工部詩集卷十八